





MG  
F82 952  
28

江督魏奏籌議兩淮鹽法量予變通試辦情形摺

奏為籌議兩淮鹽法量予變通試辦情形恭摺覆陳仰祈

聖鑒事竊臣承准軍機大臣字寄光緒三

十年三月初一日奉 上諭商部奏據在籍翰林院修撰張謇條陳鹽業公司辦法擬變通鹽法設廠造鹽一切煎法運法銷法由公司稟請鹽政立案等語兩淮鹽課為帑項大宗關係重要著魏光燾督飭運司將所陳各節妥籌議奏等因欽此當經飭司籌議查據署兩淮鹽運使恩銘詳稱兩淮鹽務為東南財賦第一大宗舉凡京協要餉新舊洋款取給於此者不下七八百萬之鉅當此財用匱竭如果運銷引數昔暢今滯課釐收數昔多今少自宜設法變通以求增益今考淮南鄂湖西皖四岸歷年銷數不過四十餘萬引上年極力整頓已銷至五十餘萬引淮北銷數亦增案據通綱票販認加新引五萬似鹽務方有通暢之機並非窒塞之會儘變改成本未能確有把握則公家每年千百萬固有之課釐加價設有短絀從何籌補又原奏修撰張謇條陳中有鹽業公司字樣查該修撰於上年六月間價買通屬呂四場商李通源垣產但請改名同仁泰垣並無公司字樣鹽務場運諸商各有花名非有票不得為運商非有垣

北洋官報

第四百十八册

不得為場商向來各垣場產商人集股收鹽皆以垣為名張謇所辦呂四一垣應令循舊名為同仁泰垣似無庸別立名目又條陳內稱設廠造田仿日本製鹽新法竈下聚處場中難以偷漏鹽既無私梟於何有無梟則防於何有等語查淮南上色場分產數每多短絀竈丁透漏接濟私梟全賴隨時認真查緝果使設廠聚煎私梟無從透漏產數加增亦屬善法無如海濱地廣處處有漁人人可煎似非設廠造田遂能盡絕私產第呂四一垣本祇一垣已由張謇承買既因整頓額產擬仿日本新法設廠造田為聚煎之計應由張謇自行試辦將來有無效驗再行考察惟條陳內所稱煎法運法銷法一切准公司酌量更易稟請鹽政立案一節查兩淮鹽務以煎法運法銷法三項盡之以煎法言如張謇現擬設廠造田即係更易煎法但現辦僅呂四一垣則呂四一垣之煎法准其自行試辦若他場之煎法以及此外各商運法銷法應有定章事為衆商所未便更易等情詳請具 奏前來臣查兩淮鹽法歷經前賢殫精竭慮著有成規近年所收課釐加價等項每歲約八九百萬兩江南大宗餉源及鄂湖西皖四省洋債賠款亦均賴此濟濟原未可輕議更張惟南鹽現雖易餉綱引尙多積滯如果得人經理因時變通設法改良試辦一

隔無礙全局似宜盡窮變思通之義以期補救今該條撰張謇請辦呂四一垣設廠造鹽應令仍名同仁  
泰垣暫就呂四一垣試辦不必牽及他場亦毋庸別立公司名目除督飭運司隨時考查稽察外理合恭  
摺覆陳伏乞

皇太后

皇上聖鑒訓示謹

奏奉

硃批著照所請戶部知道欽此

署兩江總督張之洞兩淮鹽務摺

竊惟淮鹽規制前督臣曾國藩厘訂於前沈葆楨補直於後一時頗有成效可紀奉行日久精護漸溝至今日而岌岌不可終日矣北鹽引地無多故祇設正陽關一督銷南鹽引地較廣故設湘鄂西皖四岸督銷而以儀棧爲總匯但觀正陽銷鹽之數儀棧出鹽之數即可得鹽務衰旺之大凡正陽自光緒二十七年六月起 本年五月底止頗爲振作符光緒初年全盛之數六月以後又日漸滯銷儀棧今年出鹽之數不足四十萬引若不及時整頓一二年內鹽務即不堪設想課餉六百數十萬於何取之時人論鹽者或倡爲就場征稅及化場運爲公司諸法雖費盡靈難然皆非倉猝所能辦且非銷數稍暢函因積弊亦無以取信於人目前整頓之策無他惟在緝私劇繁兩端而已長江上下游之私分長水短水兩種原以所謂長水爲最甚短水由場偷運至江口分售前經該運司另募勇丁兩營分駐各場巡緝長水則尤爲橫悍即收自場偷運之鹽逸出鎮江北岸上下游各口至大通一帶侵佔官銷約計江程五六百里聯船十百備購槍械與匪無異沿途關卡或吳敢誰何或得規包庇以致濫獲難圖此項梟船堅固便利行駛每乘黑夜風大之時舊有緝私船板不能得力不能江心寄柁必須收港一也輪面太窄雖配新式砲位不能旋轉二也風颯較小不如梟船之速三也船身太輕風浪大作不能行駛四也且此項梟匪交塞長江爲數何止數萬近年黨羽愈多猛悍愈甚若不早爲之計設法捕擊解散濞假與紅查二幫會聚各匪連成一氣將爲長江大患不止有害鹽務已也臣與運司程儀洛熟加籌計欲戡梟風非濬用輪船不可查金焦爲第一重口戶茲專派運船登瀛洲一艘扼駐焦山以下該輪砲力較大可以震蕩大帮梟船又於所裁小輪以三號發交運司以一號駐瓜洲口緝私以一號駐沙漫洲緝私均購儀棧道員節制謹遣責令管帶之員住船梭巡以一號駐大通督督銷局節制謹遣此小輪統歸運司統轄考核其責船經費即由各該局鹽務員籌惟此項緝私輪船無異行軍不能斷火需費頗鉅難以多用應另造輪船十二號略仿此輪巡船之式此齊新式砲械統歸運司節制將沙漫洲緝私道員裁去另飭運辦儀棧道員遴選員弁自行委用以收實效而免掣肘另由運司自備小輪兩隻專司稽察各私梟船來往蹤跡及商船船戶有無夾私自瓜洲口一帶起至蕪湖止常川梭巡其大通督銷局之小輪與沙漫洲儀棧所轄之

北洋官報

小輪亦責令時會明燕燕湖以下焦山以上鹽價較賤之地可望漸次肅清連鹽船戶亦不敢沿途買私夾帶取巧蓋緝私以長江爲腹心內地小河陸地爲枝葉故先杜長江大幫之私再清內地水陸偷竊

三

之私腹心保全則雖枝葉未討尙無大礙其帆船開辦經費由俄棧向解支應局雜款籌撥其帆船常年經費現擬裁去沙漫洲樺私船板十隻再即裁督標水師左營船板十隻督標水師前營船板十隻約略可以相抵所用兵輪小輪常年經費除連船登瀛洲本由籌防局開支外其餘概由鹽務自行籌措所謂增兵船以制梟者此也鹽務積弊叢生亦非一端而以近年各掣驗卡爲最駭人聽聞之事並不掣驗積案稅費每票或至多提鹽數十包案洋銀數十元疊據商控司詳在案其中苦累情形各商痛心疾首深爲可閔案費納規既多於是船戶不能不夾私爲岸銷阻滯之一大端誤 國病民莫此爲甚前督臣劉坤一議裁未果現又據連司詳請裁撤前來查下關掣驗爲四岸總掣驗卡積弊最深從前曾充該卡委員者每年盈餘或二三萬金或五六萬金最駭物聽掣驗卡既以案規爲事而置掣驗於不問商人於是專以夾私爲事陋規年增一年則船私日多一日事無足怪但此卡不能裁撤現辦該卡之道員趙有倫深已自愛陶氏悅厥遠近交稱自可毋庸裁撤其大通武穴湖口三掣驗卡有弊無利應即查照連司所請悉行裁撤以後各岸嚴加比較各專責成只可令各督銷局自行派員掣驗斷不可再添大員不相節制致滋流弊至下關掣驗光緒二十五年江蘇節省盈餘案內下關卡歲提銀五千兩今既責該卡以除弊值商不案商規該卡員趙有倫其能潔已奉公此項應提盈餘銀五千兩應予豁免又大通掣驗卡歲提盈餘銀三千兩武穴掣驗卡歲提盈餘銀二千兩三卡共應提銀一萬兩各卡既裁則盈餘無著已由臣飭連司另行籌款撥補札飭藩司立案所謂別卡弊以值商者此也其餘如各岸鄰私應由各岸各專責成而下河連河橫溢之私泰壩將壩等處盤越之私爲數不少防不勝防緝不勝緝然必須漸東漸緊不更使濫長江應由臣督飭連司等詳爲設法各督銷積弊不一而如積壓商本捏報掩消吞蝕緝費

雜款以致隣私充斥諸務廢弛之類必須先爲剷除亦由臣飭司詳議期於一掃而空再查照前督臣沈葆楨舊案清查鹽堆整頓鹽包以恤灶艱以利銷市臣屢飭司道等會議又旁探商情皆以爲如此辦法可以日有起色抑臣更有請者立法貴在扼要行政尤在得人鹽務差使皆關緊要其中如儀棧爲南鹽之總匯正陽爲北鹽之歸墟下關爲四岸之總掣驗稍不得人大同立見搖動北鹽尤非南鹽可比正陽放私無人控制一經貽誤補救爲難從前鹽務差使並無年限近年來改爲二年期滿又改爲一年期滿不以爲籌餉要政而以爲調劑優差有功者不必賞有過者不必罰潔已者循例報滿作弊者依然無恙以致人懷苟且纏網大局日見頹敝試思鹽爲日用必需之物率生愈多銷數自應愈暢何以十年之內反不如前其故不問可知故整頓南鹽四岸督銷局及北鹽正陽督銷局五河鹽厘局尤爲剷積弊之大宗杜賣私之原本此六局均號爲膏腴若不爲事擇人而但爲人擇差則鹽務永無振起之日現飭司詳議章程嚴加比較勒限責效有效者不但留差且奏請優獎無效者輕則停委記過重則奏參監人知所勸勉各願考成而鹽務不致敗壞矣所有整頓准鹽緝私剔弊分籌辦法據兩淮鹽運使程儀洛具詳前來理合恭摺具奏

豫撫陳奏豫省練兵需款孔亟請規復鹽鹽增價仍由豫設局稽徵摺

奏爲豫省練兵需款孔亟請將鹽鹽暫停續增二文加價照案規復仍由豫設局稽徵以資餉需恭摺陳  
祈 聖鑒事竊照豫省行銷引岸係蘆潞淮東四省綱鹽於光緒二十一年及二十六年前據臣因籌  
備餉需每次奏請加價二文二十七年戶部復以新案賠款數鉅期迫咨令再加四文共計每斤加價八  
文由豫省分撥要隘先後設卡稽徵獨蘆綱於二十七年經前直隸督臣以兵燹甫遭商情困苦請將續  
增二文加價暫行停止現僅加價六文當開辦之初奏准在潞縣道口鎮及龍王廟二處設局分別稽收  
嗣由長蘆兩次包繳銀三十六萬兩是以暫未設局近來豫省添練常備一軍需款甚亟庫儲支絀運振  
維艱每當仰屋興嗟僚屬羣相束手余謂蘆鹽一項暗中虧耗最甚而淮潞各綱銷數不旺又往往以蘆  
私浸灌爲言臣反覆思維同一行銷豫省之鹽而蘆綱加價獨少且蘆鹽到岸無從察其斤重卽無從絕  
其弊端辦理既有參差小民貪賤食私在所難免正在督飭司道熟籌畫一辦法以免畸輕畸重之弊昨  
准直隸督臣袁世凱咨奏請蘆鹽定價定秤包繳餘價一摺當經轉行遵照去後茲據布政使瑞良糧鹽  
道王維翰等會詳稱案查光緒二十七年開蘆鹽續增二文加價雖經部議暫行停止惟原奏內開蘆商  
贖回挖鹽運銷暢旺再議加價等語在當時驟遭兵燹商困未蘇自不得不暫議停徵現在時經五載挖  
鹽早已贖回商情迥非昔比檢查近年蘆引行銷之祥符等五十二州縣銷鹽冊籍悉核計將及九分  
之譜此次直省議定每年報効餘款至五六十萬兩之多足見蘆引暢銷商務夫查起色況此項餘利出  
於豫省五十二州縣者已居其半是雖取諸蘆商其實取諸豫民者多矣豫省卽計數州均分亦不爲盡  
既概歸直省所有前次暫停之二文加價自應照案規復以符部議而昭公允至蘆鹽每年運豫若干引  
雖有州縣冊報可稽而鹽商捆販鹽包其中有無夾帶重斤沿途飛漲舞弊豫省無從考核擬請奏明仍  
將前項加價照價抽收專供本省練兵之用卽令該商於定價之外加費二文並參仿從前辦法在於潞  
縣道口鎮鹽包落廠之處設局徵收其彰德府全屬及衛輝府屬之淇縣向由龍王廟分運仍屬上水部  
議在龍王廟設局俟其起卸之時分別查驗運運引地由該縣印官驗收加價至原加二文再加四文款  
項仍照案暫由長蘆包繳等情詳請具 奏前奉 聖鑒 奏 諭 加價至原加二文再加四文款  
部奏奉有運銷暢旺再議加價之語昔以商情困苦而議停今以練兵需款而議復準情酌理適得其平

况所加之款仍係取諸豫省食鹽之人於商本並無虧損至於官引之壅滯不在加價而在走私之充斥不在小民之肩挑担販而在商人之夾帶重斤從前戶部議覆御史陳駿條陳摺內已曾剴切言之洵爲洞見癥結該司道所議設局稽徵一節既可杜夾帶偷漏之弊且可免他綱口實之滋道口鎮爲蕩廠之虞龍王廟爲起運之區隨時查驗於銷路並無阻礙商人包繳之三十六萬兩仍暫歸長蘆徵收於案贖亦無轉輾臣再三審度事屬可行合無仰懇 天恩俯准將蘆鹽暫停之續增二文加價仍照部議規復並由豫查照成案在潯縣之道口鎮及直隸元城縣之龍王廟分別設局抽收查驗以裕餉源而杜漏卮如蒙 俞允再由臣督飭司道等酌訂章程咨部立案至設局經費應請援照各綱辦法在止項內扣支一成俾資辦公是否有當理合恭摺具陳伏乞

皇太后

皇上聖鑒訓示謹

奏奉

硃批戶部議奏欽此



直隸總督兼管長蘆鹽政袁奏請試辦永平七屬官鹽摺

奏為永平七屬鹽務廢弛已久現擬設法整頓派員試辦以整課款而肅鹽綱恭摺仰祈 聖鑒事竊查  
漢輔自經兵燹以後庫帑空虛百廢待舉用款甚繁入款甚絀欲開源而緩不濟急欲節流而所省無多  
於此而籌挹注之方不得不於釐剔漏卮之中為酌劑盈虛之計 國家歲課所入除地丁漕糧外以鹽

北洋官報

三

第三十一號

政為大宗查長蘆所議行鹽地方惟永平府屬七州縣道光二十六年因商例引懸改為官辦每年應  
交課款銀一萬一千餘兩應領緝費銀一萬六千餘兩出入相權得不償失從前屢籌規復舊章而藉此  
漁利者報皆阻格多端既作復廢迄今已閱五十餘年所有晒鹽之灶戶食鹽之紳民並係私相售賣置  
國課於不顧以致蘆台滄州各戶岸民人並欲相率效尤冀遂其貪賤食私之計以一隅而累及全綱  
貽誤實非淺鮮當此振興庶政之會即不為籌款計亦應改絃更張以期鹽綱之整肅飭據運司汪瑞高  
查明近年石碑坊舊封灘產鹽坵旺均由私販運售各處計鹽斤則數逾億萬問課款則未收分釐經  
該司悉心籌議擬派委員在於石碑坊地方設立總局將該坊所產鹽斤發給灘價悉數收回設卡巡查  
緝禁私販並於蘆龍七州縣城內各設分局承運濟銷收回利權冀充庫帑惟查永屬州縣鹽價多寡不  
等現在兵燹甫平地方元氣未復所收價值自應酌量核減以示體恤並准舊日販鹽人民向官局領鹽  
散賣不絕該民人等生計以期與民相安至各州縣銷數及應交課款應俟試辦一二年後再行請 奏  
立案由司具詳前來臣覆查該司所擬設局收回場鹽化私為公自係當務之急並所議酌減鹽價仍由  
舊販轉售洵屬無害民生有益 國課倘能辦理有效實於蘆綱大局有裨仍俟一二年再定課額以裕  
餉源所有試辦永平七屬鹽務緣由理合恭摺具陳伏乞  
硃批戶部議奏欽此

本省公牘

皇太后 皇上聖鑒訓示謹 奏奉

粵省督率奏粵鹽積弊甚深擬請查改章程

奏爲粵省銷項奇絀粵鹽積弊甚深擬設局清查整頓改章以裕利源而蘇積困恭摺仰祈 聖鑒事  
竊廣東號稱財賦之區戶口殷繁商賈輻湊素爲腹地各省所不及臣前在漕司任內司其出納貧能因  
應不窮近年時事艱難外備賠償內興庶政度支驟增數倍以致餉源匱乏庫帑空虛瑣屑籌措括括殆  
盡而綜計一歲出入不敷二百三四十萬每與司道等籌商財政未嘗不歎於流無可節源無可開撙肉  
補瘡將有民不聊生之一日因思 國家歲入本以錢糧鹽課爲大宗今田畝已議糧捐實爲萬不得已  
之政策鹽務則抽釐加價報効芳謏各項久已爲數不資而細訪廣東鹽務情形則積弊之深商力之疲  
私鹽之多餉課之絀非亟籌整頓將有不能支持之勢緣粵省鹽法本法帑收鹽嗣乾隆五十四年改埠  
歸綱嘉慶十七年改綱歸廳迄今幾百年之久商閱數傳官經多任中更兵燹引地蹂躪展限減餉所在  
多有承平之後雖亦多方彌補無非東挪西湊上顧 奏銷近年捐款日增商力日敝引鹽愈貴私鹽愈  
多官商以舞弊爲故常梟販以洋界爲淵藪程船回關則重運鹽賣商船赴埠則夾帶灌包自攜員以至  
緝私廢卡自衛署以至挑運船夫凡有干涉者莫不染指以致官引爲私販占銷收數日形短絀積欠餉  
課爲數甚鉅請減引餉之案比比皆是說恐日久實經且將失固有之利源欲求窮變遷久之方不得不  
籌因時制宜之策查現任運司信勤忠亮爲心懇務是其專責甫經到任無所用其迴護兼署漕司程儀  
洛素有綜核之才前在兩淮運司任內整頓鹽法成效昭著江西委用道何作照任事實心經理詳密且  
其籍隸廣東於鹽務甚爲熟悉該員經署理江西權臣夏晉調往辦理官銀錢局臣夏晉再四電商實  
行調粵擬即飭令該司道等設局清查俟將一切利弊查明或仿兩淮督銷辦法或照四川官運成案或  
先改辦數處或並全綱統改總期裕裕而不病商爲粵中增一鉅款惟是自來整頓鹽務莫不謗議繁興  
如陶澍之在兩淮丁寶楨之在四川方其整頓之初內之則爲臺諫糾彈外之則爲官商痛言况臣真真  
不及丁寶楨陶澍將來之爲怨府自在意中惟願 聖明主持庶有可與樂成之一日除將清查整頓  
情形隨時 奏報外所有粵鹽積弊甚深擬設局清查各緣由理合恭摺具 奏伏乞  
皇上聖鑒訓示謹 奏奉 硃批著即認真整頓以裕餉源欽此

直督袁奏長蘆直豫岸商包繳鹽斤加價數目摺

奏爲長蘆直豫兩岸商人通力合作每年包繳鹽斤加價銀兩恭摺仰祈 聖鑒事竊查直豫新案鹽

斤加價前經臣分案 奏請援案飭商隨引包繳豫岸每年包繳銀二十四萬兩直岸每年包繳銀四十萬兩以神要需旋經戶部議覆直岸加價比照豫岸加價辦法暫按額引八成包繳以歸畫一並將直豫兩岸加價錢文另按市價核實折銀如數完納均即奏明辦理等因當即轉行遵照茲據長蘆鹽運使汪瑞高詳稱直岸各商以亂後苦累仍請按照原稟包繳該司以直豫雖分兩岸同隸蘆網輪餉兩岸各商通力合作妥議具覆茲據通網直豫各商楊成源等稟稱查豫岸商按銷引八成每年包繳加價銀二十四萬兩實已不遺餘力無可增加直商前按銷引三十五萬道核計每年包繳加價銀四十四萬兩亦係勉力籌維豈知今春津市枯竭周轉維艱春運無多生機已絕乃更有出於意料之外者直境自春及夏天時亢旱踰鹽場旺官引停銷雖春運不能及時而民間不虞淡食其銷滯私多概可想見所有前稟包繳之數非特無力增加更恐不能繳足實緣長蘆各岸暢少滯多官價愈昂私販愈盛銷引愈滯不但虧額之誤欸無力包賠即隨引完交之價亦必因之減少彼時即予添追於事無濟是以各岸鹽價有酌量少加者有一文未加者實因減價敵私出於萬不得已況鹽店買銀向於起標時先在錢鋪提用現銀後以買進鹽價陸續歸補而錢鋪遂得居奇抬價又兼虧平耗色匯費川資皆須核入錢盤之內比較市價所增甚多且領引預將加價墊交及鹽包全數銷竣收回民價少則數月多則一二年壓本賠息爲數甚鉅若一文不加及酌量少加各引岸全歸商人包繳虧折更不待言此加價難以錢盤核計之實情也惟此項加價專爲償欸而設關係重要不得不統計兼籌以期稍裨時艱擬請直豫兩岸商人通力合作無論銷引暢滯錢盤大小每年統共包繳銀七十萬兩均於領引時先按每引交銀一兩二錢存儲運庫俟封關時如有不敷再由直隸衆商接領引數日均攤照數交足仍每年提出銀二十四萬兩撥歸豫省其餘銀四十六萬兩專備直省之用豫鹽加價既在運署隨引包交豫省抽收應請停止以免重複而復舊章等情該司查此項加價出自民間買價之中誠如部議原應由官經徵按斤核錢以杜取巧然必所賣之鹽實能一律加價計斤核算分毫無缺方能照此辦理直豫兩岸向多確私官引極滯本非他省情形可比各商欲保引岸不得不虧本減價以冀相敵故歷來加價名爲加之於民實則豫岸可加之處不過十之六七直岸可加之處不過十之二三且皆酌量加增從未如數加足其短收之數向係由商認繳久成攤欸從前加價一文每引交銀三錢加價二文每引交銀六錢均按實銷引數完交未按額引包繳

雖光緒二十三年豫岸加價每引六錢有照額認包之案而直岸加價仍係循舊辦理並未包繳均經戶部核准在案誠以兩岸情形不同未能強歸一律此次加價四文每引包交銀一兩二錢核與歷屆成案相符直岸原額四十六萬九千餘道除永平七屬及天津口岸並懸引外其應加價之引實值祇四十二萬二千餘道歷年實銷之數不過二十八萬九千道至多亦不過三十一萬餘道若照成案祇應包繳此數故該網總等原稟有按三十萬引包交之請該司因議及額引七成爲數太少合按三十五萬引包繳銀四十二萬餘兩復酌加銀一萬餘兩共包交銀四十四萬兩雖較豫岸包交之數爲少然按每引一兩二錢核計已逾額引八成之數並非不足七成任其虧短取巧豫岸額引十九萬三千餘道除懸引外實應領引十九萬二千餘道按八折核計實應銷引十五萬二千餘道每引包交銀一兩二錢共應包交銀十八萬二千餘兩前因豫岸尚係完善之區所收加價既較直岸爲多所銷引數亦較直岸爲暢迥與直岸兵災以後元氣大傷者情形有別且二十三年每引包交六錢本係按額包交亦未便先後兩歧當令按照額引十九萬二千餘道包交價銀二十二萬餘兩復加增銀一萬餘兩共包交銀二十四萬兩以上兩岸加價較之歷屆成案均屬加增當時該商等本不敢認包此數祇因債欺攸關勉遵辦理茲據稟稱直岸甫遭兵燹繼以旱災官價愈昂私鹽愈盛銷引愈滯力難包賠即使桑迫無濟於事該司詳加體察均屬實在情形所請直豫兩岸商人通力合作無論銷數暢滯錢盤漲落每年統共包交銀七十萬兩除提銀二十四萬兩撥作豫岸加價外其餘銀四十六萬兩專備直岸加價之用計較原包之數加銀二萬兩即照部議計斤加錢折銀合算直岸額引四十二萬二千餘道按實銷七成合引二十九萬五千道每包按五百五十斤應加制錢二千二百文共應加制錢六十四萬九千餘千照河南辦法按一千四百文合銀一兩共應繳銀四十六萬餘兩今包繳銀四十六萬正與此數相符詳請具奏前來臣復加查核確係實情且較原包之數加銀二萬委屬不遺餘力此時商情艱窘遽難再令加增相應仰懇 天恩俯准照擬辦理仍由臣督飭該司隨時察看情形一俟商力復元銷數暢旺實價可以多收再行酌加以裨償款除咨部查照外理合恭摺具陳伏乞 皇太后 皇上聖鑒訓示謹 奏奉 硃批著照所請戶部知道欽此

直督袁奏查明長蘆引額課款駁難加丁加閩摺

奏爲查明長蘆引額課款駁難加丁加閩恭摺覆陳仰祈

聖鑒事竊臣欽奉光緒二十九年十二月初九日

上諭現在時局多艱練兵實爲急務籌餉尤屬艱難戶部所擬各條著切實奉行等因欽此

北洋官報

第三百四十一號

遵查部擬酌辦各省地丁加閩引額課款一條爲長蘆應辦之事當行運司汪瑞高籌議去後茲據該司詳已飭據綱總楊俊元等稟稱蘆綱核定引額以後生齒日繁而引數未見加多者由於鹽包斤重今昔懸殊查鹽法志內嘉慶十年時每鹽一包計重三百斤迨後迭次加斤加耗現在直隸每包五百八十七斤七兩豫鹽每包五百九十二斤七兩較昔時鹽包幾多一倍近來各岸銷引五十萬包以昔時鹽斤計之已將及一百萬包各岸戶口加增即可見引額雖未增益鹽斤實已多銷至加閩一節惟按月以實銷鹽數計課者可以遇閩加增長蘆向係包額納課無論每年銷鹽多寡概按原額包額與他綱情形迥別溯查嘉慶十年時每引應交正課銀四錢四分有奇現在各引完交正課加課銀六錢八分有奇是已將歷次加課歸併在內且昔年借領幣本之商自完幣利自道光二十八年清查時改爲通綱按引均攤幣利銀四錢有奇並因有按月計利之款飭令各商遇閩加增銀三分有奇直隸各岸展轉租認今日交利之商多非昔年借幣之商況自災劫以後按額包繳正課加價已屬踴躍異常倘再按閩加征商力實有未逮該司詳加體察蘆綱引額雖未明加而斤重與課款並增實與計丁加引無異且加丁必先查戶溯自乾隆三十七年奉 上諭永停編審清查各引岸戶口實數無由詳悉若因此重辦清查竊恐煩擾病民利未形而害先見況蘆綱正課加價並由商人按額包交現在歲銷鹽引不及七成而歲納課項必完十成是課數溢於引數已可概見如欲按丁閩扣算引數課數轉慮求盈反絀現今司農告匱練兵費鉅但有可資挹注萬無不爲圖成藉資補救無如蘆綱值兵燹之餘引岸滯銷商情形敵實與他省完善之區不同正宜培養生機以紓商力所有增引裕課之方應俟數年後元氣稍復再行籌辦等情前來臣查部擬計丁增引遇閩加課如果商力充裕本不容置爲緩圖惟蘆綱自遭兵劫以來引岸率多糜爛正課各商按額包交本係勉力維持若再加丁閩強以聽從勢必至引積岸廢課虧餉絀於長蘆大局殊

有關係該司所詳各節委係實在情形應請緩俟數年後查看情形妥籌核辦理合恭摺具陳伏乞 皇太后 皇上聖鑒訓示謹 奏奉 硃批戶部議奏欽此

運司陸酌擬平毀硝池各處善後辦法稟並批

敬稟者竊照蘆綱引岸向多硝鹽實爲官鹽之害前經本司稟蒙 憲台刊示通行嚴禁立限平毀硝池以杜充斥迭據各州縣稟報平毀者已屬不少將來盡絕根株則官引自可漸暢惟查產硝各處地多鹽碱不毛小民無知類此罅口一旦禁止情亦可憫然硝鹽向干例禁亦無永置不問聽其犯法之理惟有另爲設法別謀生業以免流離而示體恤現經本司博訪周諮悉心察酌謹擬善後辦法六條皆爲失業硝戶謀衣食之計似尙可行理合繕具清摺稟請 宮保大人核奪通飭各屬查照辦理如此外別有善策並令各抒所見據實上陳以備 採擇 計稟呈清摺一扣

今將平毀硝池各處酌擬善後辦法六條繕摺恭呈 憲鑒 計開 一鹽碱地宜種藺草查藺草一名

馬蘭專吸鹽嫌質長成可以織蓆織袋種於鹽碱之地格外發旺且數年後鹽嫌爲其吸盡卽可以種五穀 一鹽碱地宜引水灌溉查鹽池作鹽必須用水故有池之處非有井卽係濱河鹽嫌之地如用水灌溉得宜亦能種植五穀不過吸水舊法過於費力或參用泰西取水新法使地濕潤多用糞壅未始不可收種植之效 一勸民挑河查挑河可以洩斥鹵從前冀州吳牧汝綸曾經舉辦頗著成效凡濱河之處

各州縣宜聯爲一氣勸民挑挖按照以工代撫章程酌籌津貼俾河道可以深通而硝戶亦可資養贍以上三條皆可勸民試辦全在地方官盡心提倡令其樂從卽使間有不毛之地既禁止晒鹽以後亦當爲疏銷或工本無多舉辦尙易應令就地籌款設局習辦 一挑充巡警查各鄉向有青苗會按戶攤錢雇人看守青苗以防偷割近來天津四鄉多有由官設巡警移其費爲巡警餉者各州縣亦可仿辦卽於向產硝鹽之地主內挑充 一挑充陸軍查陸軍現有六鎮每年所招備補兵爲數不少凡招募備補兵亦可於向產硝鹽之地主內挑充

督鹽憲袁 批稟摺均悉候分行平鄉附近及西河一帶各屬查照辦理仰仍由司查明產硝各處一體

飭遵此繳

運司陸酌擬平毀硝池各處善後辦法稟並批

敬稟者竊照蘆網引岸向多硝鹽實爲官鹽之害前經本司稟蒙 憲台刊示通行嚴禁立限平毀硝池以杜充斥迭據各州縣稟報平毀者已屬不少將來盡絕根株則官引自可漸暢惟查產硝各處地多鹽賦不毛小民無知賴此餬口一旦禁止情亦可憫然硝鹽向干例禁亦無永置不問聽其犯法之理惟有另爲設法別謀生業以免流離而示體恤現經本司博訪周諮悉心察酌謹擬善後辦法六條皆爲失業硝戶謀衣食之計似尙可行理合繕具清摺稟請 官保大人核奪通飭各屬查照辦理如此外別有善策並令各抒所見據實上陳以備 採擇 計稟呈清摺一扣

今將平毀硝池各處酌擬善後辦法六條繕摺恭呈 憲鑒 計開 一鹽嫌地宜種藺草查藺草一名

馬蘭專吸鹽嫌質長成可以織蓆織袋種於鹽嫌之地格外發旺且數年後鹽嫌爲其吸盡卽可以種五穀 一鹽嫌地宜引水灌溉查鹽池作鹽必須用水故有池之處非有井卽係濱河鹽嫌之地如用水灌溉得宜亦能種植五穀不過吸水舊法過於費力或參用泰西取水新法使地濕潤多用糞壅未始不可收種植之效 一勸民挑河查挑河可以洩斥鹵從前冀州吳牧汝綸曾經舉辦頗著成效凡濱河之處

各州縣宜聯爲一氣勸民挑挖按照以工代撫章程酌籌津貼俾河道可以深通而硝戶亦可資養贍

以上三條皆可勸民試辦全在地方官盡心提倡令其樂從卽使間有不毛之地既禁止晒鹽以後亦當爲小民別籌生計另條列後 一興辦粗淺工藝如織蓆織袋洋火毛巾洋胰洋灰之類或就地取材代

爲疏銷或工本無多舉辦尙易應令就地籌款設局習辦 一挑充巡警查各鄉向有青苗會按戶攤錢

雇人看守青苗以防偷割近來天津四鄉多有由官設巡警移其費爲巡警餉者各州縣亦可仿辦卽於向產硝鹽之地主內挑充 一挑充陸軍查陸軍現有六鎮每年所招傭補兵爲數不少凡招募傭補兵亦可於向產硝鹽之地主內挑充

督鹽憲袁 批稟摺均悉候分行平鄉附近及西河一帶各屬查照辦理仰仍由司查明產硝各處一體飭遵此繳

●江督飭議規復淮鹽引界 江西建撫饒三府屬本係淮鹽引地其邊界與粵閩兩省毗連兵燹後因運道篤遠借食閩粵鄰鹽原爲權宜之計無如行之日久規復爲難江督周玉帥前委候補道陳道際唐會同江西督銷局夏道時濟查察情形擬將該三府收回仍銷淮引陳觀察奉委後遵即查明籌議稟請玉帥核示奉批建昌府五縣咸同年間江運不通經贛撫奏借粵鹽招販閩鹽民間視同成例遂致淮鹽規復爲難撫州府所屬六縣惟臨川一縣行銷淮鹽尙屬暢旺其餘崇仁宜黃東鄉樂安金谿五縣歲或偶領三五次或竟全年不領一引饒州府屬七縣所銷淮鹽之數不及鄰私十分之二西岸淮綱敗壞如此殊堪憤懣以上三府若照徐淮四岸辦法委員分設官店原屬正辦惟鄰私侵佔已久能否暢銷究無把握應否派員會同地方官設局試辦聞柯撫部院前倡由閩代收鹽釐之議以征爲禁有名無實是否可以仿行仰候分行兩淮運司會同江西督銷局通盤籌畫詳議察奪仍將吉安袁州兩府情形迅即查明核議稟覆



●請設北澁商會 淮北鹽商張福泰等具稟江南商務局請設北澁商會並擬具會章八則已由商務局據稟詳奉署江督周玉帥批飭兩淮運司核議詳辦茲將抄發章程錄下 一淮北中富局計折派六萬七千七十二引商人九十六戶應按戶傳知 一保舉商董應俟奉准後公保立案 一乞發聯名公舉單式以便仿照填寫 一暫借張商住宅爲會議之所概不開支以節糜費 一議員不得親臨如有應革應興之事或旁人阻撓或各衙門留難需索均由商董申報議員以憑核辦 一督掃督運向爲海分司中正場之考成商人命產所關每年必以多掃鹽爲根本更以多運鹽爲獲利官商一體毫不相背此次遵奉新章專爲保安財產剔除陋規起見各官商於保護之外不得藉端掣肘亦須遵章官董相接禮以禮貌勿拘官場習氣以開風氣而收利權 一行有實效所有太平西臨臨浦各局均應稟請照章

### 北洋官報

四

第六百二十六號

遵辦以歸一律 一郵局例准投遞公文應自奉商部批示之日起凡商會往來文牘應歸郵局封寄板浦場代收代轉以免歧誤

直督袁奏議裁地方河工鹽務各官缺摺

奏為議裁地方河工鹽務各官缺繕單恭摺仰祈 聖鑒事竊臣伏讀光緒三十年五月初八日

上諭朕欽奉

慈禧端佑康頤昭豫莊誠壽恭欽獻崇熙皇太后懿旨方今時局岌岌百端待理內

務府司員太多應如何裁汰歸併著政務處會同內務府大臣妥議具奏其餘內外各衙門亦即仿照核

辦次第推行等因欽此又伏讀光緒三十年五月二十七日

上諭朕欽奉

慈禧端佑康頤昭

豫莊誠壽恭欽獻崇熙皇太后懿旨現在物力艱難自應力除冗濫用資整頓前已迭降諭旨飭裁冗員

浮費而內外因循瞻顧未能實力奉行茲特嚴申告誡樹之風聲所有粵海關淮安關兩監督著即行裁

撤其粵海關一切事務著歸兩廣總督管理江甯蘇州兩織造同在一省著即將江甯織造裁撤凡京外

各項差缺有應行裁汰歸併者著各部院堂官及各省將軍督撫破除情面認真釐剔奏明裁併等因欽

此仰見

宮廷力戒浮糜

躬行節儉立法自近因時制宜

垂訓諄詳莫名欽悚伏查臣於光

緒二十八年間因南漕運京改用火車已將漕運通判等文武十三缺奏明裁汰在案此次裁併官缺

詔旨嚴切尤當認真遵辦當經督飭司道通盤籌畫盡汰閒冗期裁一缺即為 國家少一糜費為民

### 北洋官報

第四百十九號

間免一供億且當時同艱難帑藏匱乏苟非確有專責豈容尸位其間現經悉心體察所屬地方自巡道

以下並河工鹽務佐貳雜職各員不論原設額設繁簡候補候選但考其現在職守無甚重要或與該府

州縣同城及間散無關治理防守或雖不同城而相離非遠州縣可以兼顧及各缺中無事可辦無政可

稽者即在議裁之列統計議裁巡道一缺理事同知二缺地方同知三缺河工同知二缺理事通判一缺

地方通判三缺布理問一缺直隸州州同二缺直隸州州判五缺地方州判一缺河工州判五缺地方縣丞

四缺河工縣丞十缺地方主簿二缺河工主簿十缺地方巡檢二缺河工巡檢三缺府倉大使一缺縣倉

大使一缺開官二缺鹽大使一缺鹽知事一缺以上共六十三缺請即一併裁撤內霸昌道一缺管轄西

南北三廳並無審轉案件應歸併通永道管轄臣與府尹臣往返函商意見相同該道穆特賀保 簡

放之員今將該缺裁去應請

旨另行簡放俾免向隅又請裁之保定府理事同知永平府理事同知

通州理事通判均係

簡用之缺查直隸理事同知尙有一缺未裁理事通判尙有二缺未裁應俟遇

有缺出或他省缺出由部先儘裁缺之員請 旨簡用又請裁之山海關通判經管駐防兵米應就近

歸併臨榆縣管理又請裁之蘆台海防撫民通判應辦事宜應歸併蘆台巡檢管理其餘裁缺各員應辦

事宜均歸當境地方官管理內惟河工各員有廳官未裁汛官已裁該汛應辦河工有距州縣遠而距廳

官近者應歸併廳官管理裁缺廳員應辦事宜歸併附近鹽員管理至裁缺各員歸于裁缺即用班內遇

有缺出先儘此項人員請補其有缺已裁盡者准以對品之缺借補惟地方通判直隸州州同直隸州州

判三項州縣征收不在此列永定河現正籌辦大工如有可裁之缺俟合龍後另行奏報此外未盡事宜

由臣督飭司道隨時籌議核辦除裁教職各官另摺奏明外所有請裁地方河工鹽務各官缺請繕清

單恭呈 御覽除咨政務處吏部查照外理合會同兼管順天府府尹臣徐會禮順天府府尹臣沈

瑜慶恭摺具陳伏乞 皇太后 皇上聖鑒敕下政務處吏部議覆謹 奏奉 硃批政務處吏部議奏單併發欽此

謹將順直應裁理事地方河工鹽務各缺繕具清單恭呈 御覽 計開 巡道一缺 霸昌道 理

事同知二缺 保定府理事同知 永平府理事同知 地方同知三缺 廣平府同知 正定府同知

順德府同知 河工同知二缺 保定府管河鹽捕同知 河間府河捕同知 理事通判一缺 通

州理事通判 地方通判三缺 保定府通判 蘆台海防撫民通判 山海關通判 布理問一缺

布政司理問 直隸州州同二缺 易州直隸州州同 定州直隸州州同 直隸州州判五缺 遵化

州直隸州州判 易州直隸州州判 冀州直隸州州判 趙州直隸州州判 深州直隸州州判 地

方州判一缺 涿州州判 河工州判五缺 灤州管河州判 安州管河州判 滄州管河州判 景

州管河州判 通州滸邑州判 地方縣丞四缺 萬全縣管糧縣丞 南宮縣縣丞 房山縣縣丞 良鄉縣縣丞 河工縣丞十缺 大城縣管河縣丞 滿完管河縣丞 新雄管河縣丞 天津縣管河

縣丞 任邱縣管河縣丞 故城縣管河縣丞 吳橋縣管河縣丞 清河縣管河縣丞 武清縣楊村 縣丞 大名縣衛河縣丞 地方主簿二缺 獻縣主簿 元城縣隰河主簿 河工主簿十缺 霸保

管河主簿 文大管河主簿 河西務主簿 香河縣管河主簿 文安縣主簿 靜海縣管河主簿 青縣管河主簿 南皮縣管河主簿 交河縣管河主簿 東光縣管河主簿 地方巡檢二缺 延慶

州永寧城巡檢 懷安縣柴溝堡巡檢 河工巡檢三缺 薊州移設大城縣子牙河巡檢 青縣興濟  
鎮巡檢 青滄減河巡檢 府倉大使一缺 保定府廣盈倉大使 縣倉大使一缺 天津縣北倉大  
使 關官二缺 通州通流關官 大興縣慶豐關官 鹽大使一缺 歸化場大使 鹽知事一

北洋官報

二

第四百十九册

缺 長蘆鹽知事 以上共請裁六十三缺奉 硃批覽欽此

晉撫張奏議裁地方鹽務各官缺摺

奏為遵 旨議裁督省地方鹽務各官缺謹繕清單恭摺仰祈 聖鑒事竊准吏部咨光緒三十年五月二十七日奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨現在

物力艱難自應力除冗濫用資整頓前已疊降諭旨飭裁冗員浮費而內外因循贖願未能實力奉行茲特嚴申誥誡凡京外各項差缺有應行裁汰歸併者著各部院堂官及各將軍督撫破除情面認真蓋剔

奏明裁併等因欽此仰見 聖明綜核名實力戒冗濫之至意跪誦之下欽悚莫名當經欽遵轉飭司道查明督省各項官缺情形切實辦理茲督同司道核議除道府州縣各官均有地方之責無可議裁外

計佐貳雜職冗濫可裁之員凡同知通判直隸州州判布照磨縣丞主簿巡檢縣丞鹽巡檢等共二十九缺另開清單恭呈 御覽臣維設官所以治事今地方政事一切責成州縣每一州縣佐雜或至三四

員官多祿薄反仰給州縣津貼其不肖者更不免需索地方州縣既須潔己奉公稟須周卹僚屬督省缺分瘠苦實已竭蹶不遑將令砥礪廉隅必先裁減糜費臣到任後即飭所屬各官不得收受門包等項現

又將州縣向有致送各官幕節敬餽遺一切通行禁革伏讀 諭旨所謂裁汰冗員浮費蓋有相因而適相成者况今款細時艱督省奉派練兵經費籌解銀十萬兩之外幾至莫展一籌佐貳雜職等缺揮節

雖屬無多而集腋成裘即如太義同知及鹽巡檢三缺缺分較優挹注茲於餉需不無小補且地方少一冗官則凡有不肖之員及藉官婪索之弊不禁自除休養民生亦不外此臣愚尤有進者今日之患在

官多而才少蓋人知得官之易急於謀生者甘小就而昧遠圖祇以官為身家之謀而不知職守所在誠能汰除閒冗使知得官較難而為官又復不易舍勵志嚮學之外無可進身庶幾爭自濯磨於造就人才

裨益尤非淺鮮至裁缺各員應請照例歸裁缺即用班有升階者准其呈明歸升階補用希照磨應以對品之缺補用鹽巡檢無缺可補准歸地方一體補用同通職裁三缺尚有地方鹽務同通十四缺仍於候

補人員不致向隅所有議裁督省地方鹽務各官缺緣由除咨政務處吏部查照外理合恭摺繕單具陳伏乞

皇太后 皇上聖鑒訓示敕議施行再各項同差臣於到任後業經裁併無可再減合併聲明謹 奏

奉 硃批政務處吏部議奏單併發欽此

謹將督省所屬佐貳雜職及鹽務各缺酌擬裁撤繕具清單恭呈 御覽 計開 擬裁同知一缺

潞安府太義同知 擬裁通判二缺 平陽府通判 汾州府磧口通判 擬裁州判二缺 代州直隸州州判 絳州直隸州州判 擬裁照磨一缺 布政司照磨 擬裁縣丞三缺 陽曲縣縣丞 大同

北洋官報

二

第四百六十九號

縣縣丞 長治縣西火縣丞 擬裁主簿一缺 陽曲縣蘭村主簿 擬裁總檢十二缺 汾陽縣襄村巡檢 永寧州柳林巡檢 應州安東衛巡檢 渾源州王莊堡巡檢 山陰縣岱岳巡檢 右玉縣威遠堡巡檢 右玉縣殺虎口巡檢 沁水縣端氏巡檢 和順縣八賦嶺巡檢 靜樂縣雲煩巡檢 河曲縣河邑巡檢 隰州廣武巡檢 擬裁驛丞四缺 太平縣史村驛驛丞 鳳台縣星翹驛驛丞 平定州柏井驛驛丞 壽陽縣太安驛驛丞 擬裁鹽巡檢三缺 長樂司鹽巡檢 靈壽司鹽巡檢 鹽池司鹽巡檢 以上統計共裁佐貳雜職及鹽務各缺二十九缺奉 硃批覽欽此

署湘撫陸奏選 旨議裁官缺摺

奏為遵 旨議裁官缺據實 奏陳恭摺仰祈 聖鑒事竊臣伏讀光緒三十年五月二十七日

上諭朕欽奉

慈禧端佑康頤昭豫莊誠壽恭欽獻崇熙皇太后懿旨現在物力維艱自庫力漸

元濫用資整頓前已迭降諭旨飭裁冗員浮費而內外因循瞻顧未能實力奉行茲特嚴申誥誡樹之風

聲所有粵海關淮安兩關監督著即行裁撤其粵海關一切事務著歸兩廣總督管理切實整頓江甯江

蘇兩織造同在一省著即將江甯織造裁撤凡京外各項差使有應行裁汰歸併者著各部院堂官各督

將軍督撫破除情面認真釐剔奏明裁併等因欽此仰見 朝廷軫念時艱力戒虛糜之至意臣到任後

欽遵 諭旨當將湘省各局所差使酌量裁併業於覆奏練兵處籌款摺內聲明在案伏維 國家設

官分職承累朝之舊制斟酌損益原各有其職掌之所在而積久相沿浸失本意往往有今昔情形改變

漸成虛設者際茲時局艱難度支奇絀自當恪遵 諭旨認真釐剔一洗浮糜積弊惟其中亦有各省

情形不同未能一律辦理謹為我 皇太后 皇上縷晰陳之查湘省幅員寥闊錯處苗疆邊界

各州縣往往有轄地二三百里山路遙遠匪類營集犬牙交錯之處非駐有分防不足以資控禦故湘省

各屬雜職凡縣丞典史巡檢等計分防者共六十六缺其同城者不過八九缺裁之則所省廉俸為數甚

微且當此邊氛喫緊之時凡距縣城僻遠之各要隘正擬添設分防稽查彈壓以靖內患將來同城大員

亦可酌量移駐容由臣細察地勢體察情形隨時奏明辦理此湘省佐雜之無可裁者一也至致職一項

各省紛紛議裁而湘省情形又各不同自前撫臣趙爾巽加給津貼飭令朔望下鄉切實宣講又責成將

近今政治物理農工商業編輯淺近歌詞呈送學務處核定後分往四鄉演說以開通風氣於洋務交涉

裨益良多近今民教相安是其實效且每月周歷各鄉鎮頗著勤勞似尚不在冗閒之列此湘省致職之

不可裁者一也至同知通判為各項小京官俸滿截取之階州同州判為舉人五貢本班註選之缺若一

概裁撤將來京官當差多年而無出路之可望舉貢應試停罷而無就職之可圖內外情形諸多窒礙且

國家為惜此區區廉俸而坐令數千百京員寒峻末路咨嗟亦殊非 朝廷體恤微臣之本意此同通

各項之不宜裁者又其一也臣通盤籌畫以為目前裁官之策總以不傷國體不失士心為第一要義現

與藩臬兩司悉心商酌惟有湖南糧儲道缺向以督運漕糧管轄屯衛為專責自漕糧改徵折色各衛

所屯田改歸州縣徵收此官清閒無事湖北業經援照陝西之案奏請裁撤湖南事同一律自應依照辦

理擬請 旨將湖南糧儲道一缺即行裁撤其道庫大使一缺自應一併議裁所有各州縣徵收漕糧

自倉解解糧庫一切稽徵督催及撥解款項均由藩司照章辦理查湖南糧道之缺其人款較別省稍差

計每年額支廉俸役食除扣成減平外約銀三千四百餘兩又各州縣漕項補平銀一萬六千二百兩其道庫大使額支廉俸及漕項平餘銀一千四百餘兩統計每年約可省出銀二萬一千餘兩儘數提存專款解部如蒙 允准現任裁缺之湖南糧儲道陳夔麟前任夏口廳同知熟悉交涉歷膺煩劇卓著官聲器識宏深才華練達爲監司中不可多得之員應懇 天恩遇有道員缺出儘先補放俾免向隅其道庫大使任瑤培應即留於湖南作爲裁缺應補班遇有品級相當之缺儘先咨補以昭平允除分咨政務處吏部查照外所有湘省議裁官缺緣由理合會同湖廣總督臣張之洞恭摺覆陳伏乞

皇太后

皇上聖鑒訓示謹

奏奉

硃批著照所請該部知道欽此



直督袁奏直省歸公加價限滿請展限五年摺

奏爲直省歸公加價限滿請展限五年恭摺仰祈 聖鑒事竊據長蘆鹽運使汪瑞高詳稱直省歸公

加價一欸先於同治十三年因銀價過昂商情困苦經前督臣李鴻章奏准每斤加價制錢二文津貼商人五年爲限嗣經國子監司業汪鳴鑾請推廣蘆鹽加價以助直賑復經李鴻章飭據升任運司如山議自光緒五年六月起展限五年責令商人每年交銀二萬兩彌補直賑不敷之用及至限滿因商情仍行疲累直境時有偏災迭次推展於光緒二十五年五月又屆限滿其時銀價減落商力稍紓本可依限停止因奉戶部咨行通籌鹽斤加價案內飭令各就鹽務情形切實籌畫據前任運司萬培因核議經前督臣裕祿奏准將此項加價仍展限五年照舊加收所收之欸以七成提歸公用仍留三成津貼商人外引每道交銀六錢京引每道交銀三錢自六月初一日起飭商於領引時呈交當時按出庫引數最多之年約可收銀二十三萬餘兩內除每年籌提直賑銀二萬兩外又應付鹽商昭信股票息銀二萬兩又奉飭由運庫代藩庫籌解英德俄法四國洋欸銀九萬兩因自光緒二十一年加價案內直省加價約歲收銀十萬及十一萬餘兩內運庫每年應解四國洋欸銀八萬兩僅餘銀二三萬兩按代藩庫籌解銀九萬兩計不敷銀六七萬兩連年羅掘俱窮均請於此項歸公加價內湊撥尙餘銀十二三萬兩悉數報撥旋於九年九月間經前督臣裕祿奏請添撥北洋海防經費案內經戶部核覆准將此項歸公加價餘欸儘數撥補防費各在案茲查昭信股票業經各商稟請獎叙其息銀二萬兩本應停發另行造報惟自二十八年九月開網以來銷滯商果領引較少所收此項歸公加價除湊還洋欸外應撥防費所短尙鉅實無餘

北洋官報

二

第百四十號

欸可以報發現計自光緒二十五年六月起至本年五月底止五年限滿若遽停止加收當此庫儲奇絀之時應解洋欸防費等項實無從出深恐有誤要需請將此項直省加價自本年六月起再予展限五年仍以七成提歸公用三成津貼商人俟限滿查看情形再行核辦等情具詳請 奏前來臣覆加查核委係實情應請照辦除咨部查照外理合恭摺具陳伏乞 皇太后 皇上聖鑒謹 奏奉 硃批戶部知道欽此

陝撫升奏陝西官運花鹽始末情形擬酌量變通辦理摺

聖鑒事竊光緒二十八年十二月

奏爲滙陳陝西官運花鹽始末情形擬酌量變通辦理恭摺仰祈  
奴才會同督臣奏請試辦官運花鹽並抽收加價一摺荷蒙  
俞允達於花鹽向行引地鳳漢那三屬  
遵員設局分別試辦兩年以來共收加價八九萬兩而官商並運往往官本重而商本輕以致私銷繁而  
官銷滯雖無折閱之累究有積壓成本之虞查奴才原奏本謂官開其始商受其成惟既辦官運則局員  
不得不嚴禁私銷既禁私銷則匪徒遂不免讐視局卡上年十月積匪李猪娃等焚劫鳳翔鹽局奴才奏  
明嚴緝在案夫試辦之事本無成見之可拘而當局之心每爲旁觀所不諒今擬變通既利謹將官運始  
末情形爲我  
皇太后 皇上陳之伏查陝西籌備價款以潞鹽加價爲大宗既抽潞鹽則花青  
川蒙諸鹽自應事同一律而花岸佔地獨多尤非州私可比潞鹽秦晉豫三省計產地銷場所加抽者每  
斤皆逾二十文花鹽局向無定數每斤僅抽數文是以秦隴會商各收加價八文然民情甚愚兩省驟加

十六文之多恐其譁抗乃設官運以爲之倡而又准官商並運使彼之生計無虧而我之加收有著此試  
辦之本意也既辦以後又有敷難蓋未買官鹽先竊運脚而脚戶居奇驟歇增貴其難一官商並運官之  
大幫脚價既倍於商之背負肩挑官之局用浩繁尤倍於商之薪工廉巧官之駝隻實往而虛歸商之駝  
駝來鹽而去貨官貴商賤勢常不敵其難二夫加價之商官且不敵况漏釐之私官豈能勝其難三凡民  
之情長官而狎商縱極招徠不無疑阻其難四奴才與司道等商辦之始非不深知其難而欲立加價之  
型不得不爲捨本求利之計及有壓本之患不得不爲緝梟疏引之謀鳳局委員李顯誠受事之初即謂  
果欲暢官奸商必怨奴才以任勞任怨之該員舉力疏銷多方巡緝數月以後鳳郡幾無外至之私梟  
亦鮮漏完之加價當是時漢中鹽卡小有商民齟齬之事奴才遂飭該屬緩運官鹽專收加價彌年所得  
果有五六萬金方謂風聲既樹後鳳鹽銷將盡緩辦官運而專取商釐不期一二奸民因販私挾仇秀  
言煽惑而有十月焚局之案此時若即停運既失政體尤長刁風是以電商督臣亦謂官運斷無不辦之  
理凡以彈壓奸宄顧全大局也

(未完)

陝撫升奏陝西官運花鹽始末情形擬酌量變通辦理摺 續三百五十五册

彼時印委全撤即以商州直隸州尹昌齡權守鳳翔清釐鹽務旋據該署府稟稱到任盤倉餘鹽山積計  
運存鳳局鹽斤成本十八萬餘金除銷售外應存鹽六百餘萬而各倉盤畢計溢出鹽百萬之多察詢其

故李顯誠辦事認真實不無微勞足錄蓋池上馱鹽每馱準二百斤每百斤準餘鹽八斤以防折耗而脚戶領運至二百數十斤而猶不止蓋欲沿途私售到岸私銷也李顯誠於驗收時限同過秤其溢二百六十斤以外者悉照池上之價收之年餘得鹽三十餘萬而又扼要設卡晝夜梭巡身帶健卒數人匹馬輕裝日馳百里商船之漏釐者照章科罰私梟之犯禁者全數充公向例充公之鹽一半充賞而李顯誠悉以入倉此兩項又得鹽五六十萬故雖脚戶怨之梟匪怨之同勇以不賞故亦怨之而該員不避疑謗一意爲公遂能溢出百萬官鹽利在四萬金以上焚局以後奴才所以撤而不奏者亦謂未懲匪而先懲官

### 北洋官報

第 三 百 五 十 六 期

則不順不論功而專論罪則不公且前以任恣島之後以敘怨秦之僚屬寒心誰復肯爲奴才用者此又奴才不得已之苦衷也鳳局自尹昌齡接辦後今又數月民情安謐梟匪遁竄無復敢雌黃官運者節據該署府稟稱去冬匪徒肇釁局卡各員概行譴撤蓋逾月而事機始定此一月中巡緝鬆疏私鹽大至計鳳翔官鹽尙存七八百萬而商鹽猶不止此商雖妨官官亦妨商官所注重者本在加釐商所祈禱者則停官運今官鹽屯積非招商領運不可而領運之勇不勇視乎官運之停不停若銷完復運則官商兩妨若止運抽釐則官商兩利奴才察保實情且亦適符初議商販已知畏法則不慮長刀風倉鹽早得疏銷則不慮壓成本窮變通久理亦宜然現擬飭司行局札飭尹昌齡示諭各商將鳳局存鹽按每斤四十文陸續繳價具領分途售賣限本年銷完明年暫不運鹽專收加價以重公款而順商情惟查未辦官運以前鳳郡花鹽曾賣至五六十文是民間之食費鹽不自官運始乃彼時不聞以食貴爲言獨至官運而噴噴有所藉口蓋官商並運則鹽價不能獨漲而奸商之獲利不厚故力阻官運必使停歇爾後可以高下從必有官運則商鹽減價以阻撓之無官運則商鹽又將漲價以聖斷之此奴才所以議緩官運而不敢遂罷官運轉墮奸謀也如以後鹽價平減即又何求儉或漲價居奇則仍辦官運以敵之庶幾操縱在我而利權不至於旁落所有陝西官運花鹽始末情形及現擬變通辦法謹會同陝甘總督臣崧蕃繕晰上

陳伏乞

皇太后

皇上聖鑒訓示謹

奏奉

硃批戶部知道欽此

東撫周奏招商試辦海參崴等處鹽運摺

奏爲東鹽運銷海參崴等處招商暫行試辦以期推廣利源恭摺具 奏仰祈 聖鑒事竊臣于光緒二十八年十二月承准外務部咨開海參崴免徵華貨之稅華商若能廣運貨物赴俄銷售正可推廣利源抄錄駐劄海參崴辦理商務交涉委員李家鏊條陳行令出示曉諭商人週知遵辦等因李家鏊所陳第二十七條大意謂海參崴附近向不產鹽係由廣東香港等處運咸鹽劣價昂不如東鹽質美色白俄國官員顧念民艱前曾向該員商請總理各國事務衙門設法通融運咸銷售與其任奸商私運不妨量予通融領票承運化私爲官庶私運出口之弊不禁自絕等語當經檄飭商務局司道出示曉諭並酌派商人前赴海參崴乘便至哈爾濱查察一次實有私鹽販運來往無常查登州府屬沿海地方灘鹽極多以陸地遠運艱難入內地有私販出口禁不勝禁自應化私爲官以杜流弊因即招集商股在於山東沿海一帶購買灘鹽雇用輪船裝赴海參崴試銷稟經臣檄飭籌款局發給執照飭東海關先免出口稅一次其內地課稅暫免三次以示體恤並告駐烟俄國領事官知照旋准該領事官覆稱東鹽進海參崴口一概免稅維時東商到處適值他處來鹽甚多跌價爭售以致東鹽獲利甚薄惟東鹽氣味較美商民喜食者多尙不虧折近來山東沿海居民歲往海參崴做工者不少東民慣食東鹽銷路尙不甚滯如果經理得法或者不致虧折現擬接續試運並酌帶山東土貨察看試銷其哈爾濱一埠近來戶口日繁據商人等議亦擬酌量運售以期逐漸推廣究竟能否常川運銷是否合算現在尙無把握惟有隨時察看再定行止臣維鹽助出口事屬創舉應徵稅課並無成例可循海關例應稽查不便一概免稅臣與司道悉心商酌擬自東鹽第二次出口起酌照土貨出口例按本地灘價值百抽五繳稅以裕 國課其內地課稅暫免三次以後再行酌辦此舉重在推廣商務兼杜海口私販並爲接濟該埠民食起見倘日後該埠毋須此項鹽助進口或別有窒礙之處卽行停止現在甫經試辦運銷無多稅收無幾暫不計及課稅其哈爾濱一埠能否仿照運銷容臣督飭商務局隨時察酌辦理據商務局司道會同鹽運使英瑞詳請具 奏前來除咨呈外茲部商部並咨戶部查照外理合恭摺具 奏伏乞 皇太后 皇上 聖鑒敕部核議施行謹 奏奉 硃批該部議奏欽此

○直督袁奏查明口北設立督銷鹽局無礙蒙民生計摺

奏爲查明口北設立督銷鹽局無礙蒙民生計恭摺仰祈 聖鑒事竊臣承准軍機大臣字寄光緒二

十九年八月二十五日奉 上諭有人奏蒙古游牧開辦鹽場請飭行查等語著袁世凱查明情形據

實覆奏原摺著鈔給閱看等因欽此經臣檄飭運司查明詳奏茲據該司汪瑞高詳稱飭據署張家口撫

民同知總辦口北鹽局查明並無窒碍情形稟由該司查得宣化府屬十州縣及張獨多三廳向食青白

二鹽每年運口約計一千四百萬斤除三廳境內上年始經察哈爾奏辦鹽釐外其餘各州縣間有漏規

並無稅課現當時局艱難庫帑空匱欲求挹注之方不得不籌開源之策然僅有裨益於 國計而或有

累於民生亦非兼全之術故當設局之時諄諭該局員董等以 朝廷懷柔藩服優待蒙民此次創辦督

銷祇可杜商販之售私不可奪蒙民之生計所定章程重在互市通暢使蒙鹽不失運行之利亦未將產

鹽之區包歸商辦開局以後蒙鹽源源而來照常貿易毫無猜嫌從前私相交易蒙人爲商戶愚弄每受

詐欺抑勒今則官督商辦一視同仁蒙人售鹽於官廠公平論值較之售鹽於私販得利尤厚其無苦累

可知至於設廠之十八爾台單巴諾爾均屬張家口獨石口兩廳地面蒙鹽向來於此卸售就地設廠正

以體恤蒙情其才得本地方亦係奏明應行設廠之處因在蒙古界內須加審慎現在廠尙未設即在

彼收買舍蒙人亦無從購運仍無礙於謀生其蒙古之自食與鄰盟之銷用並未嘗議及抽課更無所用

其惶惑該司詳加體察此次整頓口北鹽務實屬有裨利源無害蒙業詳請查核覆奏等情前來臣查口

北設立督銷鹽局每年包交課款蒙民赴廠售鹽公平論值較從前售於私販者尤爲得利且青白二鹽

本係蒙古舊有出產並非於游牧地面新開鹽廠既據查明無碍蒙民生計應請仍照原奏試辦所有遵

旨查明緣由理合恭摺覆陳伏乞

皇太后

皇上聖鑒謹

奏奉

硃批知道了欽此

豫撫陳奏設立東鹽加價總局懇 飭部立案片

再豫省前因餉需賠款支用浩繁將蘆東潞淮四綱引鹽先後加價潞淮二綱設局抽收蘆東二綱歸行銷州縣經理均經 奏明在案自上年蘆鹽改爲包繳虧耗已多而東鹽由各州縣經理迄無起色前撫臣張人駿擬照潞淮辦法改爲設局稽征並經委員前赴歸德府與東省南運局籌商辦理於上年七月間開局而事涉兩省時經多日議未就緒臣到任後復督同司道籌議加派委員會同印官考查並與山東撫臣往返咨商一切辦法時逾數月議有端倪查東鹽運至豫省向係行銷歸德府九屬地方擬於歸德府城設立加價總局於各屬要隘酌設分卡專司稽征遇有東鹽入境驗票放行不准留難需案每斤按照原糶再加三案抽收八文按季清解並設互相稽考之法每月由各局將銷數移知加價局由總局赴南運局調查東省月報簿每屆年終封廠之時由南運局知照加價局會同點驗存鹽數目以昭核實

北洋官報

二

第二百五十六號

局用一切准援照潞淮兩綱不得過一成半之成案支銷辦公據該印委等實商妥議呈由布政使瑞良糧鹽道王維翰具詳請 奏前來臣查東鹽加價歸各州縣經理既無起色日應別籌整頓之法以重要需現由豫設卡派員會同東省委員和衷辦理東省司運銷之責豫省有稽查之權庶幾互相考証均有裨益一切辦法參做潞淮成案亦屬有轍可循應飭先行試辦除分咨外理台附片具陳伏乞 聖鑒 飭部立案施行謹 奏奉 硃批戶部知道欽此

一擬在甯海州之北莒城莊開灘晒鹽以平鹽價而期久遠 查永阜被沖既難復舊則借運之後銷數必多各灘戶聞風居奇鹽價必因之大漲故卑職等管見非自行開灘不足以平鹽價非平鹽價不足以冀久遠所謂并力合作方能面面顧到也現查有甯海州城東十五里之北莒城莊濱臨海峽有灘地三千餘畝北特養馬島爲屏障東有沙嶺環護湖水上湧產鹽最豐養馬島之南繫山口之北俗呼爲苗江者潮落時水深四五丈輪船進口足可下舵則裝載既易便利尤多一該處形勢地圖卑職懷遠在省時業經呈覽且詢之居民謂該灘產鹽味美色白寔爲登甯場各灘之冠倘能盡其地利非特濟永阜場之不足必能爲附近居民開莫大之利藪也 再昔運甯鹽俟批定額數即可陸續添晒應需開灘經費悉由東阜公司備撥資本不另請款合併聲明

據帥批據詳李牧融筭等稟籌議租用靖海輪船開通運路擬呈辦法條議各節均屬可行應准如詳照辦仰即轉飭李牧等遵照認真經理並候徵飭鹽運司傳諭各商知照此繳摺存

江督魏飭兩淮運司籌議江北鹽業公司辦法札

為恭錄札飭事光緒三十年三月初十日兵部火票遞到軍機大臣字寄兩江總督魏光緒三十年三月初一日奉 上諭商部奏據江蘇在籍翰林院修撰張謇條陳鹽業公司辦法擬變通鹽法設廠造鹽一切煎法運法銷法由公司稟請鹽政立案等語兩淮鹽課為帑項大宗關係重要著魏光燾督飭運司將所陳各節妥籌議奏原片著即抄給閱看將此諭令知之欽此遵 旨寄信前來計抄原片一紙等因奉准此合行抄粘恭錄札飭札到該司即便欽遵妥速籌議詳奏勿違此札 商部原片 再整頓商務莫如籌辦各項公司庶與實業是以臣部擬訂商律上年十二月間先將公司條例奏請 欽定頒行在案茲據江蘇在籍翰林院修撰張謇條陳中國製鹽多本舊法兩淮灶戶皆係零星散處故梟販無從堵截劫盜因而日多查兩江兩淮皆有緝私兵勇名目而梟徒所販之鹽幾及官鹽之半且占及浙江引地梟之勝官者在賣無稅之鹽即以敵官防梟之法官憚於變法則藉有名無實之法以苟安鹽法敗壞至斯已極梟盜之禍且蠢然而未有艾後患何可勝言職博訪周諮求變通益法之計僉謂鹽弊在散救散莫如聚聚之法惟有設廠造鹽仿日本製鹽新法不但工作易分勤惰亦耳目便於周巡雖有梟販大幫亦無從攜載而去灶丁聚處廠中更難顯然偷漏既無私梟於何有無梟則防於何有此外如煎法運法銷法一切准公司酌量更易稟請鹽政立案凡向之販私而占引地者稅可驟增向之為緝私而多費者費可遞減合兩淮產鹽地計之一出一入殆可歲省數十萬若慮近來商力已疲如再令改設鹽廠未免力有不逮何如改為鹽業公司一切新業儘舊商先行入資所短補以新高商力既齊羣情自奮此該修撰所陳鹽業公司之辦法也臣等竊維

濟南報

第六十號

一一

中國地勢東南瀕海延袤七千餘里魚鹽大利世所著稱迺自中外交通浸成商戰之局若我內地華商及時聯絡奮興多集公司與之角勝則中國固有之利尙不至見奪於人今張謇請辦鹽業公司定為自保利權起見該修撰經理通州商務卓著成效其才品聲望亦久為當世所推擬請准其在江北一帶招集商股按照臣部奏定公司章程妥籌酌辦一面由臣部咨行南洋大臣江蘇巡撫轉飭該屬文武各員實力保護勿得稍有漠視着該督撫查照該修撰所陳辦法勸諭紳商分別籌議以振商務而開利源所有擬請准辦江北鹽業公司緣由是否有當理合附片具陳伏乞 聖鑒訓示謹 奏



戶部奏各省鹽斤加價情形請飭催從速奏報片

再查光緒十年以後各省屢次舉辦鹽餉加價歷年收支各數皆應分案報部以備稽核乃近年各省辦理參差不一如長蘆自光緒二十二年起京引每餉收籌餉加價半文外引一文又北引賑墊加價二文又自二十五年起按引攤捐加價五釐湖北川淮兩鹽自光緒十年起每斤收江防加價二文又應城井鹽自光緒二十年起每斤收籌餉加價二文湖南淮鹽自光緒十年起每斤收江防加價二文又川淮粵鹽自光緒二十四年起每餉收練餉加價二文安徽淮鹽自光緒二十五年起每斤收練餉加價二文四川鹽道商運自光緒二十一年起每斤收籌餉加價二文又自二十六年起加收練餉加價二文浙江自光緒二十二年起每斤收籌餉加價二文此則歷年收支各數均未據報部者又如河東陝引自光緒二十六年三月起每斤加價二文至二十七年五月減收一文是河東於二十六年開辦乙未綱二十七年開辦丙申綱自應照章分別征收加價今檢查河東乙未丙申兩綱奏銷冊並無列收前項加價銀數是

北洋官報

三

第一百九十七期

否漏報仰係尙未收支又江西淮鹽據原任兩江總督劉坤一奏稱自光緒二十一年以來已三次加價而臣部所知者僅籌餉加價二文其二次三次加價各若干如何徵收又廣西江西等省粵鹽據署兩廣總督德壽奏稱本有加價釐稅今復各加每斤十文十餘文不等查廣西粵鹽每餉加價二文江西粵鹽每餉征口捐十文皆係新案加價其原有加價釐稅等項如何征收又安徽練餉二文加價於淮鹽外浙鹽北鹽會否一律照征又浙江鹽商分年攤捐之六萬兩及十五萬兩自何年攤捐起歸入何案列收現均無卷可稽此則已報而未辦或已辦而未報及並未咨報詳細辦法者以上各款前經臣部行查未據各該省聲覆鹽務爲入款大宗亟應嚴防侵蝕若任其延不奏銷難免無虧挪之弊應請 旨飭下直隸湖廣四川各總督湖北湖南安徽江西浙江山西廣西各巡撫先將以上所指加價近三年收解各數開單具奏毋任延緩所有奏催各省奏報鹽務加價緣由謹附片具陳伏乞 聖鑒 奏奉 旨欽此

署沂州府宋味三太守所擬辦理沂州鹽務稟

敬稟者竊卑府於七月二十七日稟明公出在案卽於是日由蘭山起身先至沂水莒州日照三州縣所過之處一律安靜歲豐民悅堪紓 憲廬於月之初三日復由日照至濰繼卽將其一帶情形詳細考察查得濰雜場所轄之灘分鍋面原額係八百七十餘付現在實只有鹽灘五百九十餘付充其量每年可出鹽四千餘罐共合出一千六百餘萬斤計鹽授食僅可敷三縣民食之用是准鹽之充斥蘭鄉沂莒由來已久其勢有不能遽禁者蓋以濰鹽之所出原不敷沂郡之用且濰鹽來蘭鄉等縣山重水複加以運脚每斤須大錢三十餘文故濰鹽祇能偏銷於日照石臼猶之准私僅能充斥於蘭鄉莒沂也小民貪賤食私已成積重之勢目下禁之而不能遽禁聽之又未便終聽相勢准情似莫若以籌爲禁以縱爲拒開運於出處嚴核於聚處於濰票放鬆一步於准私加緊一著既可便於民商又於東網有濟卽利源亦稍可添益但情形各有不同故辦法亦難一例大致擬有甲乙丙丁四大端戊己庚辛壬癸六細目謹爲我 大帥詳陳之一

甲端宜漸復濰場額票也查該場除由大使解征灶課錢糧外各處均有應投額票現蘭山鹽務僅投票三百七十餘張郯城鹽務僅投票一百九十餘張沂水投票一千張費縣投票五百餘張莒州無投擬於現投票數外再加每州縣各二百張以期漸復原額 一乙端宜輕收濰票也查濰雜出售之鹽向由日照縣收小票錢文任百姓肩挑牲駝每票一張約收京錢二百四十文至三百四十文不等擬限以定數分驢駝驢駝二等驢駝者只准其收京錢二百四十文驢駝者只准收京錢二百八十文蓋濰票收輕則濰鹽價減准私可不抵而自制濰灘亦可期由漸復原 一丙端宜重籌准銷也查准私灌於蘭鄉者四分灌於沂莒者四分灌於費縣者二分擬凡售銷准鹽之處無論向歸商辦向歸官辦向歸民間自辦均擬從重籌提而不必另立收課設局之名蓋提從重則准私自不能遠灌東引卽可暢銷我蒙膠滕兗等處之官引可無庸慮其或擠矣 一丁端宜設卡信陽也查信陽一場荒廢已久現爲濰場大使所兼管此場出鹽無多察其鹽路半銷於莒州邊界一帶按地界雖非應銷引岸然究係東省所出之鹽擬於該處設卡經理略仿濰場收

票之法以清界限而專責成 一戊目蘭鄉兩縣之鹽務仍宜歸原商承辦也查此兩處向銷准私商人有見七得二利息如賣戶售錢七百元該商約抽利二百文之譜其設局共有五所除夥友等人外尚有巡勇

三百數十名雖係無本求利然詳細考察實費一番經營擬限以程度除其局勇所需令將餘利籌提歸公  
鹽務仍歸其承辦 一已目沂水一縣之鹽務仍宜歸縣辦理也查該縣向銷濰淮兩種鹽斤遇暢旺之年  
銷數尙屬可觀惟局所夥友以及鹽巡人等其經費亦鉅擬限以程度除其局費等項將餘利酌提歸公鹽  
務仍歸該縣令辦理 一庚日莒州一州之鹽務仍宜聽民運民銷而責成州牧籌辦也查該處向係運銷  
濰信准三種鹽斤由平民任意販賣無引票亦無釐稅雖販運濰信鹽斤亦出票錢然究以所銷准私爲多  
擬以納糧串票爲本位如官銀一兩略加鹽稅四五分令該州牧酌量辦理 一辛日費縣一縣之鹽務宜  
極力整頓也查此地向由商辦其鹽票係屬租票十年前甚爲疲累今雖稍有起色利益仍屬無幾擬稍給  
該商原日租價將票撤回或另招商或與人包辦以期由漸整頓挽回利益 一壬日日照一縣之鹽務仍  
宜歸該令收辦也查濰維所出之鹽銷於日照者爲多向歸該令抽收鹽票錢文加以安東衛石臼所醃豬  
魚蘿蔔乾等物利益亦屬不少惟其地販鹽之戶皆充沿海工作必兩下牽合方可收此票利且濰票宜少  
放鬆亦擬限以程度將其票利酌提歸公以期酌劑 一癸日沂郡一屬之鹽務督率者宜有辦理之名不  
宜有稽收之實也查鹽務爲府海之利久爲商民人等所爭趨今欲挽回利源只宜因勢利導以漸期化私  
爲公若遽爾改弦另起另辦縱純乎爲公人民官商等難保退有後言一面辦理地方事宜一面辦理鹽務  
且將每歲應提各款均令該官商等自行解繳歸公似乎呼應較靈其事不費而易舉至信陽立專卡費縣  
另招商卽收課設棧之端倪所擬各條係爲全綱起見是否有當伏乞 訓示

漢工商務局轉據李牧祖循等稟籌租輪運鹽辦法條議詳並批

為詳請事竊照前奉 憲台面諭振興商務以開通運路為先現在小清河不日即可行輪然聞由烟台走羊角溝之招商局輪船近以運貨無多不免賠累因而停駛是小清河雖有小輪仍屬無貨可運現查省城鼓鑄銅元月內即可出貨須先運至烟台發行此為常川出口之一物又永阜場鹽灘所存日少與其令各商採買借運漫無稽考不如由局將東阜公司所運至登甯場鹽用輪船盤散至羊角溝藉資接濟此為常川入口之一物有此兩宗准定需運之物其入口之船更挂烟台口門攬載他貨則招商輪船仍可兩商照駛當不致再有賒折但登甯場鹽用輪船裝至羊角溝尚須更換撥船方能卸地每斤應合制錢幾文能否比商人所借之西富兩場鹽價值較賤又輪船由烟台行至羊角溝所有煤斤費用每次需用若干出口運銅元入口運鹽糧再加載他貨搭客坐能准無賠累飭將以上所開各節逐一查明稟覆核辦等因遵即派委侯選縣丞易壞遠前往確查會同東阜公司侯選知州李祖循酌辦法稟覆核辦去後茲據李牧等稟稱查得登甯各灘價值不一均平核計每斤須制錢二文如盤運羊角溝卸載每斤水力等費須制錢二文五毫共合每斤制錢四文有半方能內運本擬租用招商局之廣濟輪船先行試辦乃商之招商局李直牧福全據云廣濟輪船每月需英洋五千元有奇當此試辦之初不得不力求撙節若因租價昂貴而收水脚不敵此數則虧折堪虞因思東海關道原有靖海輪船平時往來於羊角溝一帶專為巡洋之用如其改為商輪仍無碍於巡洋洵為一舉兩得當由卑職祖循稟商東海關何道憲請以靖海輪船改歸東阜公司承租暫免租價俟公司試辦三個月後如有盈餘再行酌提船費蒙 關道憲批准統計每月船費煤斤等項計英元二千元即可敷用船費既廉當可不致賠累但靖海輪船馬力較輕裝載有限而借運膏鹽為數過鉅則非搭用民船接時裝運不能源源接濟至於價值水力無論民船輪船均須按每斤四文五毫核算如此既可開通運路而借運亦不致缺乏一面自行開辦以期久遠所有辦法條議專載彼此互商意見均同為此據實稟陳伏乞批示祇遵實為公便並呈辦法條議清摺前來查該牧等所議辦法尚有條理惟比較鹽價價值似覺稍昂擬請暫令試辦三個月查看情形再為開辦平價之計其另摺陳明靖海輪船限定每月往還四次逢星期一由煙開輪星期四由羊角溝回輪不得有誤船期初辦三個月內設有賠累由本局酌量津貼以示體恤並搭用民船常川濟運各節均屬可行所有李牧祖循等籌議租用

靖海輪船開通運路緣由理合詳請 憲台鑒核批示祇遵並請撥飭運司傳諭各商知照實爲公便 謹將李牧祖筵等籌議辦法分條詳陳 鑒核 一擬租用靖海輪船以開通運路爲要義 查羊角溝海運創行於招商局之廣濟輪船因廣濟調回北洋則有大古洋行之閩江輪船試行數次惟每月搭客載貨僅收水脚英洋二千元有期不敷船費旋亦停駛以致烟台商貨運赴濟南周村等處者改道青島火車內運雖膠關之稅徵較重鐵道之運費較昂即明知之而莫可如何也權不我操利源外溢實於東省商界有絕大關係至今日而謀抵制之法非開通羊角溝運道達小清河之航路別無良策現奉 憲諭籌辦租輪以運鹽爲進口之貨以銅元爲出口之貨有此兩大宗常川行運或不致虧折仰見我 憲台通籌全局挽回利權莫名欽佩本思仍租廣濟先行試辦乃因廣濟輪船租價太昂不得已稟商 東海關何道憲請以靖海兵輪改爲商輪歸東阜公司承租暫免租價每月約計英洋二千元即敷一切用費請俟 批准奉文後即可駛行 再查廣濟閩江從前駛行時向無一定日期以致客商運貨者因愆期而積壓因積壓而受虧改道火車亦由於此如其東阜公司租用靖海輪船則限定每月往還四次逢禮拜一由烟開輪禮拜四由羊角溝回輪無論搭客之有無載貨之多寡總不得有誤船期以示取信如此兩三月後凡運貨者知船有定期無 舍彼就此豈經商者較及錙銖而不避膠關之重稅火車之鉅費乎（按膠海關凡裝車入內地之貨皆按值百抽五徵稅由煙台報裝羊角溝之貨不論精粗每百斤繳漕平銀一錢六分六厘輕重懸殊）惟初辦之二個月內各商未及週知若僅恃銅元鹽餉兩項水力恐不敷船費設有賠累可否懇明

濟南報

第一百廿八號

六

憲局酌量津貼以示體恤伏候 鈞裁 一撥搭用民船常川運鹽以資接濟 查永阜場被沖恐無復舊之望而引鹽缺額民食攸關若僅恃靖海裝運仍屬不敷挹注（查靖海每次僅能裝鹽八百餘担如遇貨多客衆尙不能及此數）故管見以謂租用靖海專爲開通運路至於裝鹽內進則擬搭用民船常川開放源源接濟所需運費亦較輪船稍輕何則輪船須上下駁力種種耗費不若民船可以傍岸直捷便利也偷能按時續運較之西富兩鹽場鹽價將來有減無增可操左券 再船抵羊角溝卸鹽時必須指定泊岸地址倘離岸較遠則又須扛力恐逾四文半之數至運鹽到岸所有一切墊蓋板席等費應歸承運鹽商自行經理東阜公司無從遙辦 再此項鹽餉係屬奉文信運凡經過關卡請移知東海關道轉飭免稅放行

江督魏飭兩淮運司籌議江北鹽業公司辦法札

為恭錄札飭事光緒三十年三月初十日兵部火票遞到軍機大臣字寄兩江總督魏光緒三十年三月初一日奉上諭商部奏據江蘇在籍翰林院修撰張謇條陳鹽業公司辦法擬變通鹽法設廠造鹽一切煎法運法銷法由公司稟請鹽政立案等語兩淮鹽課為帑項大宗關係重要著魏光燾督飭運司將所陳各節妥籌議奏原片著即抄給閱看將此諭令知之欽此遵 旨著信前來計抄原片一紙等因承准此合行抄粘恭錄札飭札到該司即便欽遵安速籌議詳奏勿違此札 商部原片 再整頓商務莫如籌辦各項公司庶與實業是以臣部擬訂商律上年十二月間先將公司條例奏請 欽定頒行在案茲據江蘇在籍翰林院修撰張謇條陳中國製鹽多本舊法兩淮灶戶皆係零星散處故臬販無從堵截劫盜因而日多查兩江兩淮皆有緝私兵勇名目而臬徒所販之鹽幾及官鹽之半且占及浙江引地臬之勝官者在實無稅之鹽即以敵官防臬之法官俾於變法則藉有名無實之法以苟安鹽法敗壞至斯已極臬盜之禍且甚然而未有艾後患何可勝言職博訪周諮求變通鹽法之計竊謂鹽弊在散救散莫如聚聚之法惟有設廠造鹽仿日本製鹽新法不但工作易分勤惰亦耳目便於周巡雖有臬販大帮亦無從捆載而去灶丁聚處廠中更難顯然偷漏既無私臬於何有無臬則防於何有此外如煎法運法銷法一切准公司酌量更易稟請鹽政立案凡向之販私而占引地者稅可驟增向之為緝私而多費者費可遞減合兩淮產鹽地計之一出一入殆可節省數十萬若慮近來商力已疲如再令改設鹽廠未免力有不逮何如改為鹽業公司一切新業儘舊商先行入資所短補以新商商力既齊羣情自奮此該修撰所陳鹽業公司之辦法也臣等竊維中國地勢東南瀕海延袤七千餘里魚鹽大利世所著稱迺自中外交通濫成商戰之局若我內地華商及時聯絡奮興多集公司與之角勝則中國固有之利尚不至見奪於外人今張謇請辦鹽業公司實為自保利權起見該修撰經理通州商務卓著成效其才品聲望亦久為當世所推擬請准其在江北一帶招集商股按照臣部奏定公司章程妥籌勸辦一面由臣部咨行南洋大臣江蘇巡撫轉飭該屬文武各員實力保護勿得稍有漠視着該督撫查照該修撰所陳辦法勸諭紳商分別籌議以振商務而開利源所有擬請准辦江北鹽業公司緣由是否有當理合附片具陳伏

乞 聖鑒訓示謹 奏

北洋官報

一一

第一百六十一號

奏爲遵照部咨督飭司道等籌議滇省銅本萬難再辦川鹽加價實由今昔情形迥異未敢稍涉遷就致滋貽誤恭摺陳仰祈 聖鑒事竊查接管卷內前准戶部咨遵議督辦雲南礦務唐炯奏請飭四川

仍照部議鹽斤加價撥作銅本的款等摺片行令川省轉飭鹽道及官運總局安速籌辦並先行挪墊銀五萬兩解交應用等因旋准唐炯咨開前由即經檄行藩司鹽茶道滇黔官運總局切實妥議茲據該司道等詳稱川省鹽務今昔情形迥異連年水潦饑饉米貴錢荒井窰時虞不支今年火井又多埋塞鹽價騰起檢查現在引數與初辦官運時核本各冊逐細比較每引鹽價貴至七八十兩不等長撥各船運費亦復逐漸加增約計鹽本運費合之三次加價暨滇黔通攤之款較初辦時每引核本增至百餘兩鹽價每斤實至二十餘文方求平價以敵私販實難屢加以滯銷路加之票販人衆弱者繞越偷漏強者恃衆恣橫今如票釐一律照加深恐貧民失利狡徒走險若竟不問票販專辦引案則引鹽成本偏重立見票私充塞而邊地尤爲可虞滇粵私鹽侵逼防不勝防一旦邊計因加價滯銷引積課懸廠岸重因有誤四省餉源貽害實非淺鮮查第三次債款加價部議原係每斤四文前督臣奎俊縷晰陳奏始減一文是加價之難不自奏覆銅本爲始况川省加價引票並計每歲僅收銀二十餘萬歷經奏報在案今縱加價一文豈能得銀四十萬兩且濟楚以及湖北八州縣計引加價全數劃歸鄂省凡此皆非滇省所知悉故豫算未能得實而廠岸情形月異歲遷其不能執前律後有 斷然者在鹽價尙平之時多取本易而成本既重之後少取亦難應仍請免辦銅本川鹽加價一文以恤廠岸而顧餉源又奉飭豫墊銀五萬兩解滇應用俟加價收有成數照數扣還現在加價萬難再辦而奉撥京外本省餉項司局等庫悉索無餘實在無從挪墊亦請由部另行籌撥的款解滇濟用等情前來伏查銅本專關京運苟能措手必當力任其難惟奴才抵川即以蜀之鹽利聚於 國計民生者重先應考求要略極知近歲廠鹽固費於前而官運兩局正雜難征每引至百三三十兩其數更倍於昔本重征繁鹽價無不騰踊而唐炯猶謂之輕減殆在遠未深考耳大抵加價之難辦引鹽而外尤有一端一則五十餘屬盡食票鹽貧民挑負成羣艱難數貫之資俯仰一家之計錙銖利害必較故屢次因加釐起闕見於章奏載於案隨現在票鹽每斤抽正釐加價十餘文買本佔多運銷利薄非越山踰嶺以改道卽糾夥併包而闖關人數實繁刑不能止故再加則弊

愈甚不加則引鹽又偏重矣一則鹽課歸於州縣初辦加價仍令接引隨糧攤收所食粟鹽既經加價乃復重征不已而梁山新甯等縣輒至倍增於額賦士民嗟怨前督臣奎俊曾檄以後不再加難今剔除之則解不足敷若一律加派其勢斷不可行凡此情形該司道等言之猶有未盡處非唐炯所能計及唐炯前奏雖自謂洞悉川省鹽務但即以收數而論川省每次加價不過收銀二十餘萬唐炯乃云四十萬兩多寡懸異豈非去蜀二十餘年今昔判然有迥出意料者哉奴才與該司道等再四熟商前署督臣岑春煊以此議爲難行可稱確論倘勉強加之不獨大拂川民之願必致商販疑阻釐課短絀實於四省餉源多有窒礙此則奴才未敢稍涉遷就者也加價既萬難再辦部文先解銀五萬兩亦應如該司道等所請辦理相應請 旨敕下戶部另爲滇省籌撥銅本俾可永作的款無誤要需除分咨外理合恭摺具陳伏乞 皇太后 皇上聖鑒訓示謹 奏奉 硃批戶部議奏欽此



四川督錫奏開銓四川富廠火井事歸官辦款由商籌片

再四川富廠火井爲天地自然之利來源猛烈煎鹽易於爲功每火鹽一張較炭鹽價減二十餘兩黔邊各岸均易銷引故每關購盤火鹽多於炭鹽倍蓰自光緒二十九年夏間大小井火頓衰雖經極力疏洵而已熄者鮮有復燃之機未熄者復有將竭之勢出鹽日絀廠灶皆難十餘萬無業之民生機欲絕數千里行引之地淡食堪虞迭飭官運局考察情形設法挽救而各廠商灶愈以開銓深井爲請惟查近來井火多須銓至三百丈以外方能見功費鉅工艱井主無力鑿辦莫若墊借官款現值庫儲支絀又屬籌撥爲難茲據辦理計岸官運局鹽茶道黃承暄辦理滇黔官運局補用道趙藩詳稱邊計各岸引商慮火衰鹽缺大局攸關自願每領引鹽一張籌繳銓井經費銀二兩作爲借款並由該局先共借撥銀六萬兩發廠生息以便迅速開辦俟數年後商本充足官款清還所籌經費即行截止議立章程詳請具奏立案前來奴才覆加查核該局等所擬開銓深井事歸官辦款由商籌既無損於公家實有利於井灶如能辦有成效洵足紓廠困而濟岸銷除批飭認真經理並咨戶部外謹附片具陳伏乞 聖鑒敕部查照施行謹 奏奉 硃批戶部知道欽此

直督袁奏蘆商請將鹽斤定價定秤設局緝私報繳餘價仍留一成備抵虧課摺

北洋官報

第五百八十三號

奏爲長蘆通綱各商請將鹽斤定價定秤設局緝私報繳餘價仍留一成備抵虧課恭摺仰祈 聖鑒  
事竊臣前因長蘆引額課款驟難加丁加開奏經戶部議令釐剔弊端妥籌辦法務將現在通綱應銷引  
張責令全數銷足然後將從前奏請暫停之十二萬引徐圖規復倘一時未能猝辦應將各項加價仿照  
正課由商人按引額包完不得僅按出庫引張計算等因當經轉行運司諭飭該綱總遵照去後茲據署  
理長蘆運司陸嘉穀詳據全綱商人聯名稟稱蘆商自遭兵燹資本蕩盡借本起運息重利微又兼積弊  
太深久未整頓若再按額包完加價力不能支現於無可如何之中另籌萬全之法惟有掃除積弊定價  
定秤設局緝私蓋蘆網疲累之原實由於例價不平緝私棘手於是有加秤減價以敵私者受病日深一  
日又蘆鹽額價分爲十九等載在 國初定例至今仍之本以運路遠近爲準又以水運陸運爲衡路遠  
而運艱則運本重路近而運便則運本輕且陸運艱於水運火車便於大車今查舊河大半淤塞鐵路逐  
漸開通昔日之水運今變爲陸運昔日之大車運今變爲火車運是今昔情形懸殊運本即因之而異運  
本既異則賈價之等差亦應變通今則株守例價苦樂不均百十年以前舊商有不得已改爲活秤活價  
者一人作俑於前衆商效尤於後價既不一秤亦不齊流弊無窮商民交病欲除此弊計惟平價平秤則  
互充之弊不戢自銷擬請將長蘆通綱引岸按目下運本輕重從新釐定價值併作六等以天津滄州鹽  
山及永平七屬沿海十州縣作一等定爲制錢二十文以靜海慶雲武清青縣大城故城景州阜城南皮  
豐潤滄河十一州縣作二等定爲制錢三十二文以大興宛平涿州良鄉房山昌平順義密雲懷柔平谷  
通州三河寶坻薊州香河霸州保定文安固安永清東安清苑滿城安肅定興新城唐縣博野望都容城  
完縣蠡縣雄縣邢州東鹿安州高陽河間獻縣交河東光任邱寧津吳橋肅寧邢台任縣南和內邱唐山  
鉅鹿平鄉沙河廣宗永年曲周肥鄉雞澤廣平邯鄲成安威縣清河磁州深州武強饒陽安平定州深澤  
曲陽趙州柏鄉隆平高邑臨城寧晉冀州南宮新河棗強武邑衡水易州涞水蓮化玉田延慶蔚州采育  
等九十州縣營作三等定爲制錢三十四文以正定獲鹿井陘阜平樂城行唐靈壽平山元氏贊皇晉州  
無極遷城新樂大名元城南樂清豐開州東明長垣安陽湯陰臨漳林縣內黃武安涉縣汲縣新鄉獲嘉  
淇縣輝縣延津封邱滑縣濬縣陽武等三十八州縣作四等定爲制錢三十六文以河內濟源原武孟縣

修武武陟溫縣等七州縣作五等定爲制錢三十八文以黃河南岸祥符等二十八州縣作六等定爲制錢四十二文以上六等有與例價相同者有較例價酌爲增減者皆係按照現時運本公平議定以後自無畸重畸輕之弊然後將商人餘利酌提歸公每年約可得銀五六十萬兩擬請以八成充餉以二成撥抵滯岸虧額課帑餘款作爲養勇緝私整頓運道等用計尙不敷議定無分南岸北岸每引攤交銀二錢每年約可得銀十萬兩上下以備緝私要需並請永遠革除加秤減價及代銷貼併名目以免偏枯一轉移間既可籌出鉅款又可暢銷引額如果辦有成效日後將通網實價陸續增歸一律尤能裨益餉需等情該署司查盧綱積弊固由於惰私充斥亦由於活秤活價致起競爭故於欽奉 恩旨簡署長蘆運司責成認真整頓之初卽密委委員分赴各引岸考察鹽價鹽秤嗣據各委員查明稟覆並將各岸引鹽各購一斤隨稟呈閱綜核現在實價有較例價加多半文至八文不等者現用鹽秤有較官秤短少一兩至七兩不等者平時如此迨醬菜二秋又有放價放秤以充斥鄰岸者弊實叢生無怪私充官滯此弊不除商民交受其病引數斷難復額該署司向綱商再三勸導不啻舌敝唇焦始各自悔前非稟請除弊詳加察核確係實在情形詳請具 奏前來臣查長蘆鹽斤活價活秤積弊甚深既經該署司再三勸導該商等始各自悔前非公擬切實辦法每年可得餘利銀五六十萬兩洵屬有神餉需應懇 天恩寬其既往准如所請辦理庶於恤商之中仍寓籌款之法實於大局裨益匪淺除飭將交款期限暨設局緝私

## 北洋官報

一一

第五百八十三號

章程詳細籌議稟辦外理合恭摺具 奏伏乞

皇太后 皇上聖鑒訓示謹 奏奉 硃批戶部知道欽此

直督袁奏長蘆光緒三十年商課奏銷摺

奏爲長蘆光緒三十年商課奏銷恭摺仰祈

聖鑒事竊據署理長蘆鹽運使陸嘉穀詳稱光緒三十

年分商課錢糧引課加課銀四十九萬一千九百三十三兩六錢六分一釐內道光二十四年清查庫款案內援照山東引課併展成案奏准自二十三年起至二十八年止每年停引十萬道嗣於道光二十八年咸豐四年同治三年八年十三年光緒五年均經奏准推展五年又於光緒十年十三年十六年奏准推展三年又於光緒十九年二十四年奏准推展五年又於光緒二十九年奏准推展三年核計每年停課六萬三千三百八十三兩三錢五分五釐又同治九年前督臣曾國藩具奏長蘆鹽務減輕成本案內奉部議准將京綱應領額引自同治九年起至十三年止每年停引二萬道又於光緒元年六年十一年十六年二十一年二十六年節次奏准推展五年每年停課銀一萬二千六百七十六兩二錢一分八釐淨

北洋官報

第六百六十八期

應徵銀四十一萬五千八百七十一兩八分八釐贖罰銀三千一百兩昌平牙稅銀三百兩懷慶府屬賑濟鹽丁銀四百六十三兩三錢五分二釐坨租銀四千二兩內京綱停引二萬道每年停銀一百十七兩二錢七分五釐淨應徵銀三千八百八十四兩七錢二分五釐共銀四十二萬三千七百八十二兩五錢四分六釐內除永平府屬盧龍等七州縣應徵引課銀一萬九百七十八兩八錢八分六釐坨租銀一百兩九錢一分五釐共銀一萬一千八百八錢一釐自光緒二十九年改歸委員設局試辦所有應徵課款詳經部覆照額包課停支緝費餘利儘收盈解等因除將撥解各年額課銀兩另册造報外尙應徵銀四十一萬二千七百七十三兩七錢四分五釐又除參遺邢台等十六縣懸岸除認運各商應完引課加課坨租等銀已照認額全完外其無商認領之懸引應徵引課加課銀二萬九百九十九兩四錢一分二釐坨租銀一百九十四兩二錢七分九釐共銀二萬一千一百九十三兩七錢一釐內以口岸商人振德認領代銷懸引交款銀一萬七千六百五十五兩五錢五分二釐並武清縣加領代銷懸引交課銀一千二十八兩九錢五分一釐又青靜滄鹽慶五州縣商人桐興義認領代銷懸引交款銀二千五百九兩一錢九分八釐歸補全完淨現商及認運懸岸各商共應完引課加課銀三十八萬七千九百九十九兩九錢一分三

釐坨租銀三千五百八十九兩五錢三分一釐共銀三十九萬一千五百八十四兩四分四釐舊管無項新  
收銀四十一萬二千七百七十三兩七錢四分五釐內現商及認運各商完交引課銀三十八萬七千九  
百九十兩五錢一分三釐歸補參遺懸岸引課銀二萬九百九十九兩四錢二分二釐現商及認運各商  
完交坨租銀三千五百八十九兩五錢三分一釐歸補參遺懸岸坨租銀一百九十四兩二錢七分九釐  
開除銀三十二萬八百四十四兩二錢四分一釐實在存銀九萬一千九百二十九兩五錢四釐係應留  
備湊解各項餉需之用所有應徵光緒三十年之商課錢糧現商及認運懸岸各商應完引課坨租銀兩  
均已全完等情造具清冊詳請具奏前來臣覆核無異除清冊分送部科外理合恭摺具陳伏乞

皇太后

皇上聖鑒敕部察核施行謹 奏奉

硃批該部知道欽此

天津武清寶坻寧河等縣各村正請免開放減壩公稟並批

爲瀝陳被害原委懇 恩垂憐下情事竊霍家嘴隄頭兩城河之設本以塌河淀地勢最窪可洩伏秋大汛近年日淤日淺較平地尤高水進則泛濫爲災經前督憲王查霍家嘴河石壩最卑爲害尤甚因將該河議廢龍骨上加一土壩永不准開扒其隄頭河援例在龍骨上加土壩三尺盛漲時任水自漫向不開扒其章程載在條規懸掛該汛歷有年所且下游塌河淀邊築有環淀土埝一道身高八尺以衛田禾今該埝年久失修幾如平地該土壩關係尤重職等管見所及其不必開扒者有六查土壩舊例身高三尺並非一尺五寸其不必開扒者一也塌河淀心日淤日高現已淤成高埠較各村熟地尤高數尺前蒙清丈局勘丈明確其課銀較他地尤重並無無糧荒地該壩果一漫水勢必四出泛濫塌河淀決不能容受其不必開扒者二也職等四縣百餘村田禾正在發長之際若開扒土壩該城河並無下游有來源而無去路徒淹田禾於河水並不能稍減其不必開扒者三也隄頭城河迤南有新墊積鹽坵地若干段該壩一經漫水勢必沖漫鹽坵在商家鹽坵毀壞固係 國課攸關而職等衆村田地經鹽水橫流必致不毛其害更甚其不必開扒者四也水勢漲落關乎上游職等已探得上游水勢日落本埠亦必盛漲不久所有臨河各居民房屋尙未遠被害較職等百餘村之田禾一旦盡遭淹沒其輕重固已顯然其不必開扒者五也職等百餘村均以耕種爲生一遭水患則億萬生靈坐以待斃 各憲台愛民如子諒必不忍出此其不必開扒者六也今蒙 各憲台親臨查驗恩准暫開一閘以資宣洩盛漲並蒙 面諭水勢如落至四五寸即行堵閉等因職等曷勝感戴但二閘入水稍緩亦必淹沒田禾倘河水日落仍懇 恩准堵閉冀獲秋收於萬一庶不致明春積水難消耕耜無日小民皆有餓殍之憂矣爲此情急不得不哀乞

督憲大人恩准施行(節錄)

督憲袁 批查堤頭減壩本爲分洩五大河盛漲而設原定修守章程第一條每歲伏秋大汛水漲將欲出槽即將邊閣下板填土並將迴溜涵洞闌板一同填閉俟秋後水落歸槽大壩止流再將各闌板提起以便啓放長流冲刷河底免致淤墊又第五條每歲大汛後於冬初在壩口前挑築土埝一道寬一丈五尺高三尺恐淺汛水漲出槽分洩以致水小溜緩沙停正河減河均受淤墊大汛前撤除等因來稟謂堤頭河在龍骨上加土壩三尺係指冬令而言若至大汛以前土壩即應撤除備資宣洩倘實有任水自漫向不開扒之說塌河淀本係蓄水之區有何糧地貪利者因其連年涸出希圖佔種濫請升科現官開壩洩水之時藉詞糧地來駁挾制居心殊不可問應由清丈局再行清查讓出淀地即將執照撤銷以免無

知愚民與水爭地後患無窮本年伏秋汛內大雨時行山洪暴發五大河水勢奇漲上游各處漫決頻仍成災甚重已飭賑撫局派員查放急賑以拯民命津埠水勢亦拍岸盈堤岌岌不可終日豈能偏顧一隅貽害大局仰天津道查照定章開壩洩水以濟沈災並行河防同知遵照至謂開放減壩勢必沖淹鹽坨該坨爲蘆網命脈所關何以各商默無一言竟煩爾等代訴尤見砌詞聳聽所請斷難准行抄稟批發

張修撰營各呈江省魏請將鹽旗更正公司名目並由各垣商自行籌繳文

爲咨呈事竊自光緒二十二年二月承准前部堂張照會 奏派經理通海一帶商務節次在通州地方將紡紗磨粉榨油墾牧水利小輪燭皂印書蠶桑等實業鳩供股分建立公司先後呈明在案伏查江北

### 北洋官報

三

第二百七十七號

商務以鹽爲大宗近數十年私梟充斥十倍於前其故皆由出鹽之地紛歧四散難於稽察欲仿紗廠之法設廠築竈僱人聚煎又以鹽出於滷非先多爲著滷之計不可聞日本向有鹽田近又兼用美國造鹽之法故於二十九年四月親至日本各產鹽處所周諮博考其法不恃天而恃人實較中國爲優以之設廠聚煎似有把握然試以語人往往疑信參半非設法試驗明效大著無以開風氣而昌實業適呂四場旺長發鹽垣以連年虧折出售因於閏五月間集貨向買更名同仁泰鹽業公司爲整頓改良並行之計一面將場垣總巡巡役竈頭竈長以及糊忙鈎積發撤桶席等項所有病商病丁之弊力爲漸除並將積年久塞之港久壑之塘不惜勞費悉爲溶關務使煎丁與垣商利害直接整頓產數以顧目前一面派人存日本松永町鹽業調查所學習製造鹽田之法爲改良持久之備半年以來皆已及萬而去冬久晴潮小又港塘甫經竣工灰場滷氣不升無可攤灰滷滷煎丁束手日向垣商求索撫卹而已以是知鹽法之不恃人而恃天斷應改革又念兩淮煎丁非獨小知各國之法也即各行省煎曬不同之故亦未講通專己自是詎有長進復派人分往浙江山東淮北考察頃已次第查明日本留學生亦已回國即須試辦惟集股之始雖以公司爲名而其實仍沿舊例稱旗表裏未符與革難於畫一又采集各法試築鹽田取滷試用日釜浙盤較量得鹽分數多寡一切與舊法不同若不先事聲明立案必致蹈常襲故之人疑爲破律敗度之舉甚或罪爲改制指爲私煎其於區區力求增產裕課化私興業之苦心數年來規畫經營之繁費一概抹煞毫不相諒一隅摧阻各處聞而相戒大利坐失臭患益張既非前部堂委任商務之盛心亦遠 朝廷振興商業之至計爲特申敘本末並將所著變通通九場鹽法議略咨呈鑒核懇請立案至試辦時如何規畫如何築造如何奏用日釜浙盤與鍋緞較煎以及得鹽分數若干用費若干自應就近移請呂四場大使監同考察隨時詳報合並懇請飭行鹽運使轉飭通分司呂四場查照保護再各場皆



用官繳每領一繳繳價錢十八千文外加領照及運脚共計一繳需錢二千一百各場垣商無不病其太貴繳商則疊次稟請官爲飭派同仁泰公司承前商之後領繳四十口而按其斤重核之工料加二成規費統計不過五千七百二十一文較之官繳止三分之一即工料加費規費加重作值九千尙貴一倍何況照費運脚尙不在此數之內以煎鹽論利用新繳既苦值價太貴而舊繳屢補復苦用草多而成鹽運會將爲難情形由垣商稟請呂四場大使轉詳現在屢次奉文增產自應一面加意整頓舊法而繳弊不除終無增法擬請飭司轉飭各場商自行領帖鑄繳查通九場除棕茶半商半窰外其餘八場盡是商埠必不至有私煎之患即設爲萬一之慮則各場大使就近可查查商便於查丁此尤易明之理其說並詳變通鹽法議略所有呂四同仁泰鹽業係按商律股分公司應請將鹽法更正公司名目試驗日本鹽田浙江鹽盤各法比較舊法產數多寡應請飭場監察保護及請由通九場各垣商自行領帖鑄繳以免偏損而資整頓懇請分別立案飭行各緣由伏祈 鑒核批示施行無任公便須至咨呈者

戶部奏實核各省鹽價並整頓鹽質片

再查各省售賣官鹽本有定價載在戶部則例謂之例價例價之外再有所加則謂之加價惟例價率皆道光以前所定嗣後已不知幾經變易近年屢辦加價並不問未加之先原價若干既加之後共價若干雖直隸有死價活秤之說漢口有隨時懸牌定價之法究竟每觔實在給鹽若干每觔實在定價若干亦不報部是今之鹽務名爲官鹽實無官價殊與道光以前鹽法不合且國家日賦鹽利乃始終不知鹽價亦何以操其勝算而計其贏餘同治初年兩江總督曾國藩辦理淮鹽章程首以核算成本爲第一要義應請 旨飭下各該鹽政查明現在各處官鹽每引實須成本若干每斤實賣鹽價若干除去成本可得餘利若干迅速詳細開單報部核辦又鹽務本係商務貨高則銷路自暢銷暢則課款自增一定之理盡人皆知今各省鹽色鹽味每多惡劣往往病民病國而商亦自病且恐外人乘隙而入奪我利權若大加整頓使在場在岸之鹽一律色白味佳即外人亦將食之各處土鹽豈能與之爭衡害去而利興一舉兩得莫善於此應令各該鹽政督飭運司等講求煎曬禁止攙雜迅即明定章程報部核覆毋得視爲具文所有實核各省鹽價並整頓鹽質緣由理合附片具陳伏乞 聖鑒謹 奏奉 旨欽此

署兩江總督張澍陳准鹽情形并分別籌擬辦法摺

奏爲皖省議加鹽價謹瀝陳情形並分別籌擬辦法俾於皖餉有益於淮南尙無大損以維大局而符定案恭摺仰祈 聖鑒事竊於光緒二十八年十一月初二日准安徽撫臣聶緝燾咨稱具奏安徽省籌備償款尙未足數援照湖南辦法將隴省行銷兩淮兩浙山東每斤加價二文委償賠款一摺於十一月初八日奉 硃批著照所請戶部知道欽此等因鈔摺咨會到臣查接管卷內上年十月間前督臣劉坤

一於鹽斤加價酌予變通片內以現加之四文二文歸產鹽之省二文歸銷鹽省分各省不再另行加價庶鹽務不致敗壞尙有於四文外另加則現加之四文全歸准用電飭湖南湖北督銷局准鹽之行銷鄂湖者每斤減去二文稍紓商困其餘西皖等省仍遵部議統加四文各半分解奏明在案蓋深慮價重滯銷害及於原有之課厘不得已立此限制爲兩顧之計且西皖兩省爲督臣兼轄省分究非湖鄂等省可比雖賠款同一艱窘而當時撫臣並無異說今安徽擬仿照湖南辦法前督臣劉坤一開缺未久遽翻定案江西事同一律難保不聞風而起此窒難者一湘鄂加價江省減收二文江省新案賠款每年鹽務指派百二十萬至今解不足數然商力益困官力已竭皖省既奏請加價又請暫免收回二文若商人援湘鄂之例籲請減收則江省賠款無著不減則臣何辭以對商人此窒礙者二淮南北鹽務同一疲弊臣已酌籌整頓力摺具陳而北鹽日已革分司徐紹垣藉口海嘯爲災庫款任意虧挪私鹽裝運無忌以致規制蕩然自二十七年六月起至本年五月底止經該司道等極力整頓始符奏限六月以後銷數又滯至今本綱之鹽西壩尙存二十餘萬包正陽亦形積滯未始不因加價後以及此淮北每綱課釐皖省向分四成試取數年前所收之四成厘金與本年六月以後所收下半年四成厘金比較二十七年六月起至本年五月止所收四成厘金卽知鹽務一事在於整飭疎銷厘課加增以資周轉不必於疲弊之餘再行加價以致江皖交受其病此窒礙者三原奏又稱派兵至西壩徵收新加鹽價查西壩地方在江蘇清河縣境內爲北鹽匯萃之區發運之始當其運載出湖應銷皖豫兩省四十二萬包州縣中聽其隨便銷售不能強其專運至皖亦不能強其專運至豫與南鹽之分運各岸判然不雜者迥不相同且查北鹽既例准沿途酒賣又例准改岸融銷西壩出鹽之時無從辨其爲灑賣之鹽運岸之鹽亦無從分其孰皖孰豫豈能并行豫之鹽及改岸未定之鹽統由皖省用之此窒礙者四歷來鹽商各捐准北屢邀寬免當事之人深知北鹽票販之外又有湘豫商販零星散漫本薄利微一蹶難振不敢輕於嘗試臣查接管卷內上

年正陽督銷局稟陳北鹽疲弊加價之難內云皖岸六霍前辦加價係奉前安徽巡撫 奏明行知淮北

### 北洋官報

三

之鹽歸政主持不由皖省徵收此次奉飭已 部議認加諒邀安徽體恤應請咨明此後無論如何緊缺免再加派等語由前督臣劉坤一咨照並由正陽督銷局曉示各在案似未便朝令夕更又豫省所加北鹽之價前督臣劉坤一屢次咨商寬減臣亦據司道會詳電商河南撫臣似未便任安徽再加假如皖省於經過一境之鹽不分行銷何岸概行統加二文到豫後又復再加二文商何以堪此窒礙者五臣此次由鄂東下舟過安慶時撫臣言及鹽斤加價一節謂目前正在整頓蕪湖常關及米穀捐每年可得十八九萬之鉅款足可抵加價之數俟此兩事辦成後即將此項加價停止江西不復藉口援例臣允以到任後當與運司詳詢籌辦現據運司疊次函稟面稟滙陳以在為難情形臣悉心鈎稽具得要領實未敢率行辦理然皖省賠款不敷亦屬實情諒屬同舟何忍漠視查海分司解皖四成課銀每綱十四萬八千兩零向分十二個月勻解近年前後套搭只具解九個月不過十萬八千兩應由臣嚴飭運司海分司接年解足如有帶欠照京甘各餉仰指名嚴叅是北鹽一項此後皖省每年可多得四萬之的款萬不宜於北鹽之價再有加抽為皖省籌款計萬不得已惟南鹽一項或可暫加擬照皖案新加鹽價二文之案飭大通督銷局代收如銷數不減歲約徵銀十一萬兩二者合計已有十五萬兩之數原奏新案賠款歲短二十餘萬兩以十五萬兩合之皖省另加浙鹽東鹽二文約略可以相符惟是北鹽四成鹽課可以永遠照解南鹽加價只能以兩年為限撫臣屢次派員來甯面商整頓蕪湖鳳陽常關及解北鹽厘等事計一兩年之內必有成效可期的款可指屆時或豁免兩文或收回兩文再行酌辦以免有增無減永累商人如此辦理皖省可濟眉急商人亦免藉口江西仍不得援以為例以免再生枝節有礙整頓據兩淮鹽運使程儀洛具詳前來理合繕摺奏陳伏乞

皇太后

皇上聖鑒謹

奏奉

硃批戶部議奏欽此

直督袁奏請裁免張家口等處鹽稅包課摺

奏爲口北鹽務前已設局督銷包交課銀請將張家口監督多倫廳鹽稅暨宣化府屬舊有包課一併裁免恭摺仰祈 聖鑒事竊查宣化府所屬十州縣及張家口石多倫諸衛三廳鹽務已經奏明官督商辦暫令每年包交課銀三萬兩並聲明都統衙門所收鹽釐循舊抽收其餘一切陋規花費概行裁革欽奉 硃批著照所請該衙門知道欽此遵經行司轉飭口北督銷局按照奏明辦法分別移行遵照在案茲據運司汪瑞高詳以據局員稟稱移經張家口監督覆稱蒙鹽內有正稅詢其每年額徵若干稱係

查照戶部則例口外鹽稅每石一錢五分每年所收稅銀統歸任滿報部並無一定每鹽一石徵銀四分歲無定額行徵銀兩向俟一年期滿隨同雜稅於次年五月請咨解部其數歲約四百兩左右該廳額徵落地稅銀一萬六千餘兩鹽稅即在其內各等情該司查得長蘆食鹽徵課之後經過關卡不再抽稅業鹽乃獨有進口稅則蓋因當時利源未闢口北鹽務從未整頓任聽私自販賣故併入百貨一律徵收現既奏定創辦督銷歸入蘆綱由商董包課行運將來尙須酌定年額兼之近年察哈爾都統衙門抽釐加價重疊稽徵價已較前倍漲若再向監督衙門及多倫廳繳稅不獨於蘆綱例章未合並恐於民食商情多所關礙且原奏聲明惟都統衙門鹽釐照舊抽收其餘概行裁革嗣經戶部咨覆亦未指明前項鹽稅仍須照徵尙非稅額著重之款既稱係載在則例自應奏請裁免以恤商艱又宣化府延慶保安西甯懷來等五州縣每年應徵包課銀二千五百九十四兩四錢三分二釐原因各處向食蒙鹽並無額課故由民間攤交今已官督商辦由局交課此次包課銀兩係屬重複應請一律裁免並開州縣額徵包課銀數清摺詳奏前來臣查長蘆行鹽徵課以後經過關卡例不重徵口北鹽務既已設局官督商辦由局交課所有張家口監督衙門向收鹽稅每石徵銀一錢五分多倫廳鹽稅每年約徵銀四百兩並宣化延慶保安西甯懷來五州縣每年應交包課銀二千五百九十四兩四錢三分二釐合無仰懇 天恩俯准自本年五月口北督銷設局以後應納前項鹽課包課一併裁免其多倫廳裁免鹽稅銀四百兩係在該廳額徵落地稅銀一萬六千餘兩之內並請照數減解以昭平允除清摺咨部外理合恭摺具奏 伏乞

皇太后 皇上聖鑒訓示謹 奏奉 硃批戶部知道欽此

